

道光遵義府志

遵義府志卷三十一

土官

唐蒙諭夜郎侯多同約置吏使子孫爲令西南始郡縣焉而蠻夷王侯君長相承不廢有丞比郡縣卽後之土官也遵義在漢以夜郎旁小邑爲縣其時必有如漏臥鉤町侯苴蘭君長比者特史未之及耳自唐末歸楊氏統諸姓八百餘年宋中葉開設州軍未聞有流官及播珍溱者其皆土人爲之可知元之宣撫招討萬戶明之宣慰安撫長官亦不出數姓今雖概行革除其世系事蹟有首委可究者具錄之卽一人

一官偶載史冊亦從附著所以考見地方數百年利害而官制之可詳者則在職官

高珍州刺史田氏

乾德三年七月珍州刺史田景千內附四年南州進

銅鼓內附

王海百五四云太祖蕃夷奉貢珍獎南州又云乾德三年珍州田景平內附四年八

月南州

一云西南夷

貢銅鼓按景平當以此作千而

誤紀與本篇後皆作景遷又千所因誤也後有高州蠻傳又下溪州刺史田思遷亦以銅鼓虎皮麝臍來

作田仙

貢五年冬以溪州團練使彭允足為濮州牢城都指

揮使珍州錄事參軍田恩曉為博州牢城都指揮使

允足等溪峒酋豪據山險持兩端故因其入朝而置

之內地開寶元年珍州刺史田景遷言本州連歲災
沴乞改爲高州從之八年景遷卒其子衙內都指揮
使彥伊來請命卽爲刺史至道元年高州溪州並
來貢咸平三年高州刺史田彥伊遣子貢方物及輸
兵器王海云咸平三年十一月高州蠻人貢四年其酋向君猛又遣弟
君泰來朝五年七月高州刺史田彥伊子承寶等百
二十二人來朝賜巾服器幣以承寶爲山河使九溪
十洞撫諭都監六年四月丁謂等言高州義軍務頭
角田承進等擒生蠻六百六十餘人初益州軍亂議
者恐沿江下峽乃集施黔高溪蠻豪子弟捍禦羣蠻

因熟漢路寇略而歸謂等至即召與盟令還漢口既

而有生蠻違約謂遣承進率眾發州兵擒獲之焚其

室廬皆震懼伏罪謂乃置尖木砦施州界以控扼之

自是寇鈔始息邊溪峒田民得耕種宋史丁謂傳峽

體量還奏稱旨領峽路轉運使會分川峽四路改夔

州路初王均叛朝廷調施黔高溪州蠻子弟以捍賊

既而反為寇謂至召其種酋開諭之且言有詔赦不

殺酋感泣願世奉貢乃作誓立石柱境上蠻地饒粟

而常乏鹽謂聽以粟易鹽蠻人大悅溪蠻別種有入

寇者謂遣高溪酋帥其徒討擊出兵援之擒生蠻六

百六十得所掠漢口四百餘人復上言黔南
高州義軍指揮使田彥强防虞指揮使田承海來貢
景德元年高州五姓義軍指揮使田文鄭來貢王景

德元年高州田文善來貢按鄩善文亦異三年高州新附蠻酋八十九人

來貢又高州諸名豪百餘人入貢四年五月以高州
刺史田彥伊子承寶爲寧武郎將高州土軍都指揮
使田思欽爲安化郎將大中祥符元年夔州路言五
團蠻嘯聚謀劫高州欲令暗利砦援之上以蠻夷自
相攻不許發兵四年安遠順南永寧濁水州蠻酋田
承曉等三百七十三人來貢天禧元年溪州蠻寇擾
遣兵討之二年知辰州絳等入下溪州破砦柵斬蠻
六十餘人降老幼千餘刺史彭儒猛亡入山林執其
子仕漢等赴闕詔高蠻捕儒猛來獻者厚加賞典其

年儒猛因順州蠻田彥晏上狀本路自訴求歸轉運使以聞上哀憐之特許釋罪初北江蠻首最大者曰彭氏世有溪州州有三曰上中下溪又有龍賜天賜忠順保靜感化永順州六懿安遠新給富來寧南順高州十一總二十州皆置刺史而以下溪州刺史兼都誓主十九州皆隸焉謂之誓下州將承襲都誓主率羣酋合議子孫若弟姪親黨之當立者具州名移辰州爲保證申鈐轄司以聞乃賜勅誥印符受命者隔江北望拜謝州有押案副使及校吏聽自補置慶厯四年以罪絕其奉貢蓋自咸平以來始聽二十州

納貢歲有常賜蠻人以爲利有罪則絕之至和二年
裁損五七州貢奉歲賜初輒不聽後二十州舊地復

奉貢內屬

宋史西南溪洞諸蠻傳

銅佛壩巡檢

木攀首領

渝州蠻者古板楮七姓蠻唐南平獠也其地西南接
烏蠻昆明哥蠻大小播州部族數十居之治平中熟
夷李光吉梁秀等三族據其地各有衆數千家間以
威勢脅誘漢戶有不從者屠之沒入土田往往投充
客戶謂之納身稅賦皆里胥代償藏匿亡命數以其
徒僞爲生獠劫邊民官軍追捕輒遁去習以爲常密

賂黠民覘守令動靜稍築城堡繕器甲遠近患之熙
寧三年轉運使孫固判官張詵使兵馬使馮儀弁簡
杜安行圖之以禍福間諭因進兵復賓化砦平蕩三
族以其地賦民凡得租三萬五千石絲綿一萬六千
兩以賓化砦爲隆化縣隸涪州建榮懿扶歡兩砦其
外銅佛坦者隸渝州南川縣地皆膏腴自光吉等平
他部族據有之朝廷因補其土人王才進充巡檢委
之控扼才進死部族無所統數出盜邊朝廷命熊本
討平之建爲南平軍以渝州南川涪州隆化隸焉元
豐四年有楊光震者助官軍破乞弟殺其黨阿訛大

觀二年木攀酋領趙泰播州夷族楊光榮各以地內
屬詔建溱播二州後皆廢

宋史諸蠻傳

播州

宣安撫司

楊氏

楊端者其先太原人仕越之會稽遂爲其郡望族後
寓家京兆唐末南詔叛陷播州久弗能平僖宗乾符
三年下詔募驍勇士將兵討之端夢神告曰爾亟往
此功名機也端與舅謝將軍詣長安上疏請行上慰
而遣之行次蜀蠻謀知之歛退者半乃詣瀘州合江
逕入白錦軍高遙山據險立砦結土豪與蔣黃三氏
爲久駐計蠻出寇端出奇兵擊之大敗尋納款結盟

而退唐祚移于後梁端感憤發疾卒子孫遂家于播

元史楊寶因不花傳其先太原人唐季南詔陷播州

有楊端者以應募起竟復播州遂使領之五代以來

世襲其職明史土司傳唐乾符初南詔陷播州其地

端應募復其城為播人所懷歷五代子孫世守其地

續宏簡錄楊寶因不花傳唐李南詔陷播州端應募

起復之運使領焉五代以來世守茲土明統志云唐

乾符初南詔陷播州端本太原人應募領兵復播州

能論以威德縻以恩信蠻人懷服五代以來子孫世

襲其職貴州通志同惟改世襲其職為世襲宣撫使

按端領播州未有宣撫使之名故史傳但云襲職或

云世有其土至宋代祭以下諸人始襲安撫使元

代始改安撫為宣撫安得五代便襲此官通志誤宋

贈太師明統志云宋開禧間太師生牧南既嗣世痛

父業未成九溪十洞猶未服日夜憂憤其子部射逆

其志選練將卒伐羅閩西閩地知潛溪所言羅閩元

史及類編閩皆指水西也時閩附南射部射深入閩厝將士絕其

後部射力戰死子三公抱尸不去閩執以歸牧南卒

三公幽于閩半載會阿永蠻酋長黑長與閩有連語

之曰殺其父而囚其子人弗爲也盍歸諸閩不答黑

定怒夜以一牝馬竊載俱歸且發兵納三公界上三

公遣衛兵檄召謝巡檢謝帥彝獠逆之會濟江獠忽

懷異志引舟岸北呼謝曰爲我語若主當免我料賦

否則吾不以舟濟三公怒瞋目視舟噓者三舟奔而

前三公遂涉彝獠爭持牛醢酒爲謝三公剪帛繫獠

頸吸水噴之帛成蛇形獠伏地哀祈誓輸賦不敢反

三公復暎之帛如初三公生二子寶實寶當立自以才不逮讓實實字真卿聞宋太祖受命卽欲遣使入貢會小火楊及新添族二部作亂實同謝巡檢討之夜薄賊營盡殲其眾實傷流矢病創卒實生昭字子明旣嗣世二弟先蟻各擁強兵先據白錦東遵義軍號下州蟻據白錦南近邑號楊州昭不能制未幾蟻稱南衙將軍舉兵攻先且外結閩兵爲助謝巡檢子都統謂昭子貴遷曰蟻召仇讎而賊同氣罪不容于死盡討之遂大發兵設二伏于高遙山要其歸而擊之閩大潰赴水死者數千蟻亡人閩貴遷太原人與

端為同族其父充廣

按宋史楊業傳文廣為廣西鈐轄此云充廣似誤

宋贈

太師中書令業之孫莫州刺史充本州防禦使延朗

之子嘗持節廣西與昭通譜昭無子充廣輟貴遷為

之後自是守播者皆業之子孫也

元史楊賽因不花傳端五傳至昭無

子以族子貴遷

紀續宏簡錄同貴遷字升叔慶厯皇祐間儂智高亂

邕貴遷曰通夜郎浮牂柯出不意擊之漢制南粵之

奇策也吾當報國以自效即如瀘次于南川得暴疾

將還其季父先使南川鉅族趙隆要殺之官至武功

大夫德州刺史

宋史神宗紀熙寧六年五月癸卯朔

為三班奉職

三子光震光榮光明光震字長卿瀘南夷羅

乞弟叛瀘遣使乞師光震督兵行時閬黨宋大郎與
乞弟通遏其歸道光震與戰連七日不決遣帳卒王
龍閒道走播趣謝都統濟師謝至武婆山見二酋縱
騎橫架馳騁若指麾其眾謝以勁弩射其一應弦斃
其一大擯拔力衝陣謝斫傷其首殺之卽宋兄弟也
二彝懼而退囚不能爲瀘患按宋史渝州蠻傳元豐四年有楊光震者助官軍破乞弟殺其黨阿訛瀘州蠻傳元豐四年熟夷楊光震殺阿訛詔林廣與光震回力討賊光震
官至從義郎沿邊都巡檢使五子文廣文真文錫文
貴文宣文廣字敬德少孤仲父光榮潛謀篡立眾弗
與光榮奔高州欲藉蠻兵以危宗國文廣與部將謝

石近謝成忠謀奉書幣逆光榮以歸事之如初光榮復欲陰酖文廣文廣詭爲不知愛敬日鶩黃標儀盜發光震墓文廣捕斬之事連其弟理郭理郭奔高州蠻謀作亂會老鷹峯獠穆族亦叛文廣命謝都統討彝之斬理郭戮穆獠釋其黨七人初西平徭視諸苗尤桀黠難制文廣偕成忠夜入其柵擒獲之尋數其罪貸焉當文廣之時楊氏先世所不能縻結者至是叛討服懷無復攜貳封疆闢而戶口增矣年僅三十六而沒君子惜之官至武節大夫三子惟聰惟吉惟信惟聰字晦之七歲而孤育于母舅謝石近家石

近以主少眾貳因奉光榮攝堡事光榮立日久益固

位惟聰既長光榮深忌之貢毒魚中欲加害覺之弗

食光榮復為送婦高州給與俱將殺于中塗謀洩弗

果行光榮惠籍播州二縣地千七百里往獻于朝詔

即其地建白錦堡按當云加光榮禮賓使宋史蠻夷傳大觀二

年播州夷族楊光榮以地丙屬詔建播州又地理志

大觀二年播州楊文貴獻其地建遵義軍又曰大觀

二年南平夷人楊文貴等獻其地建為州是光榮獻

地時文貴亦獻地文憲撰傳遺之也宋朝事實云遵

義軍大觀二年蕃帥楊文貴獻地東西百二十里南

北六百一十二里以其地置軍原注云唐貞觀元年

析牂牁置遵義縣屬朗州十一年州廢縣亦省十三

年復立播州亦復置縣十四年更名羅蒙十六年更

名遵義後自播州徙州治唐哀播州為楊氏兩族所

分據一居播州一居遵義以江水為界其後居播州

者曰光榮得唐所給州銅牌居遵義者曰文貴得州
銅印大觀二年兩族各獻地皆自以爲播州議者以
光榮爲族帥難重違其意乃以播州立州遵義立軍
按光榮爲族帥難重違其意乃以播州立州遵義立軍
播州下又云文貴等獻地建州偶不審也當以宋朝
事實所載爲得至文貴乃文廣弟其所獻地必文廣
在日所割授者有之當未久李氏以爲唐哀兩族分
據亦誤也李氏又稱之蕃帥或廣卒後曾攝堡事銅
印之得卽光榮還惟聰率部佐出迎光榮豫置毒于
以此歟
茗以俟隸人誤進光榮啖之卽斃惟聰始親政光榮
弟光明懟惟聰暮夜以兵劫之惟聰出禦光明敗奔
蜀訴于部使者李獻誣惟聰謀不軌獻入其辭矯發
南平諸寨兵入播惟聰憤懣不自勝大集兵拒戰敗
其師事聞詔奪獻官進惟聰修武郎左班殿直賜金

帶錦袍慰諭之光明因亡入閩而死居無何惟吉復作亂殺惟聰二子眾怒其誅之惟聰深懲家難禱于上下神祇誓曰世世子孫不可以權假人違此言者天實殛之惟聰復生二子選逡選字簡夫始立值徽欽二帝播遷高宗南渡慷慨負翼戴志務農練兵以待徵調士大夫避之性嗜讀書擇名師授子經聞四方士有賢者厚幣羅致之歲以十百計蓋士房禹卿來市馬爲夷人所劫轉鬻者至再選購出之遷于客館給食與衣者數載屬歲大比選厚餽遣徒衛送還蓋竟登進士第遂貳于選謀入閩作亂選邑邑喪明

而終官至武經郎生十有三子軾最良軫字德

輿美髯長身狀貌瓌偉剛果勇決人服其能嘗病舊

堡隘陋樂堡北二十里穆家川山水之佳徙治之按

家川卽今府治白綿堡通志云在府北三百里蓋承輿地紀勝及明統志之誤是爲湘江軫

初無嗣鞠軾子粲爲後晚生三子焄焮鼎以粲賢遂

不易初議尤愛軾尋授軾堡政獨築室萬泉以終軫

畜一虎馴服左右常駕以出遊人異之官至秉義郎

軾字德載沈靜寬厚孝友無間言遇軫諸子不翅若

已出初先據下州世治兵相攻凡七傳至煥宋史寧

定五年九月庚戌遷軾之幕官猶泳從容白曰骨肉

相殘彝狄之俗也上下楊其初由一人而分于戈日
夜相尋孰若講信修睦復兄弟之親乎軾欣然曰吾
有志久矣子爲我往說之泳至下州煥頓顙受命遂
盟而還軾畱意藝文蜀士來依者愈衆結廬割田使
安食之由是蠻荒子弟多讀書攻文士俗爲之大變
軾官至成忠郎累至武節郎按貴州通志明統志並作琛元史作榮與

此同云貴選八傳至榮

字文卿小字伯強幼授大學卽掩卷歎

曰此非一部行程歷乎必涉歷之至乃可爾長好鼓
琴投壺粲母弟輝有寵于父幾奪其位粲亦欲以位
讓之因猶泳言得不廢開禧二年蜀帥吳曦叛粲帥

師赴援會曦誅不果貢戰馬三百黃白金鉅萬

明統志

三代孫嘉泰初襲播州安撫使開禧初蜀

曦叛輸金錢戰馬以助國用邊患遂息

且請

誅大舉北伐以雪先恥上優詔答焉

宋史寧宗紀開禧三年十月乙卯復

嘉定十二年復輸馬三百于蜀帥蜀

帥以聞上益嘉之南平彝穆永忠盜據公家田祭曰

穆不道犯王略吾爲藩臣可緩其死即帥眾討平之

斬永忠歸其田南平閩酋偉桂弑父自立祭聲罪致

討敗其眾于滇池斬首數千級闢地七百里獲羊牛

鎧仗各千計煥違盟抄掠界上祭遣兵誅之歸煥所

掠地賦于珍州下楊平邊患遂熄祭性孝友安儉素

治政寬簡民便之復大修先廟建學養士作家訓十
條曰盡臣節隆孝道守箕裘保疆土從儉約辨賢佞
務平恕公好惡去奢華謹刑罰論者多之楊氏居播
十三傳至榮始大官終武翼大夫累贈右武大夫吉
州刺史左衛大將軍忠州防禦使賜廟忠烈封威毅
侯三子价元史云佐佑价字善父英偉沈毅自少不
羣明統志云价未生時將校有夢神自靖州父沒以
郡政畀其子文元史云專志養母端平中北兵犯蜀
圍青野原价曰此主憂臣辱時也其可後乎乃移檄
蜀閫請自效制置使趙彥訥以聞詔許之馳馬渡劍

帥家世自贍之兵五千戍蜀口圍解价功居多詔授
雄威軍都統制未幾復白錦堡爲播州文領郡价統
兵如故蜀警又急詔价以雄威軍戍夔峡价分署所
部屯瀘渝間遣奇兵擊東遂以捷多遷武功大夫閣
門宣贊舍人嘉熙初制置使彭大雅鎮渝檄价赴援
价督萬兵征江南通蜀聲勢北兵不敢犯孟珙宣撫
荆湘宋史孟珙傳嘉熙三年元兵大舉臨江珙策必
遣楊鼎張謙往辰沅靖三州同守倅曉
諭熟蠻講求思播施黔支徑以圖來上余玠制置西
蜀皆倚价爲重上屢下詔褒美之价指天誓曰所不
盡忠節以報上者有如皦日一日大飯羣僧价趺坐

誦佛書數語而終价好學善屬文先是設科取士未

及播价誦于朝而歲貢士三人云贈開府儀同三司

威武寧武忠正軍節度使賜廟忠顯封威靈英烈侯

宋史理宗紀淳祐四年五月丁巳武功大夫雄威軍

都統制楊价世守南邊連年調戍播州捍禦勤瘁詔

价轉右武大夫文州刺史文字全斌紹定中北兵始入劍文日閤

士卒爲備蜀中避地者多歸之嘉熙中北兵窺江彭

大雅復來徵師价按當作文命裨將趙暹帥萬兵赴戰石

洞峽擊破之以功轉武德郎閤門祇候明統志云文

德郎誤當以此云嘉熙爲是父卒詔起文視事進武

通志云授承德郎誤之誤也功大夫閤門宣贊舍人文移書余玠曰比年北師如

蹈無人之境者出不能禦敵于門戶故也曷移鎮利
朗間經理三關爲久駐謀此上計也今縱未能大舉
擇諸路要險建城壕以爲根柢此中計也下則保江
自守縱敵去來耳况西番部落已爲北所誘勢必撓
雪外以圖雲南由雲南以并吞蠻部闕邕廣窺沅靖
則後門幹腹深可憂也玠偉其論竟徇中計後果如
文言淳祐八年西帥俞興西征發兵五千人與俱大
戰者三皆捷遷左衛大將軍余玠北伐漢中文命將
趙寅會兵渝上三次戰又捷十二年北兵圍漢嘉文
使總管田萬率兵五千間道赴之夜濟嘉江屯萬山

必勝二堡萬以勁弩射之敵不能支遂却加右武大

夫

宋史理宗紀寶祐二年七月巳酉詔思播兩寶祐州連年捍禦其守臣田應庚楊文各官一轉

三年北兵由烏蒙渡馬湖入宣化宣撫使李曾伯

宋史李曾伯傳但載

來徵師文遣弟大聲統兵行大小

九戰又捷轉左武大夫

宋史理宗紀寶祐四年五月甲辰羅氏鬼國遣報思播言

元兵屯大理國取道西南將大入邊

五年北兵循雲

南將入播文持奏詔節度使呂文德偕文入閩諭羣

酋內屬大酋勃先領眾降

宏簡錄理宗寶祐五年閏四月田應寅乞屯瀘敘以

援思播宋史理宗紀寶祐六年正月申戌詔樞密院編修官呂逢年詣蜀問趣辦關隘屯柵糧相度黃平

思播諸處險要緩急事宜具工役以聞四月丁酉詔御前忠勝軍副都統制往播州其築關隘防禦七月

已亥呂文德入播州
詔荆湖給銀萬兩

六年拜親衛大夫以解漁城圍

剪烏江寇功

按二事未詳

加忠州團練使景定間劉雄飛

夏貴守蜀復江安州餉禮義山戰懸壺平而播兵爲

多進中亮大夫和州防禦使播州沿邊安撫使爵播

川伯食邑七百戶詔雄威軍加御前二字以寵異之

歲賜鹽帛給邊用著爲令

宋史理宗紀開慶元年七月癸亥以知播州楊文和

思州田應庚守禦勤勞詔各官一轉元史紐璘傳戊午之明年乃開

慶元年也文畱心文治建孔子廟以勵國民民從

其化卒于咸淳元年贈金州觀察使元贈榮祿大夫

同知樞密院事柱國追封播國公諡崇德明統志貴州通志皆

云文卒贈光祿大夫樞密使不言元不言生一子邦

憲元史云文生邦憲貴州通志云字仲武儻有大

節好書史善騎射始冠授成忠郎雄威軍副都統通

管州事二年閩大舉入寇破立邊諸戍邦憲出師拒

之閩敗卻尋潛渡烏江步騎猝至民大駭邦憲部署

諸將令曰必剪此寇而後朝食蠻聞急引退甫涉江

邦憲追擊大敗閩眾于中流斬首千級擒其酋羅汝

歸進武節大夫明統志云憲襲父職端平間蠻入掠

沿邊安撫使閩又悉兵寇下邑邦憲復敗之

獲酋長阿鮮厯舉其罪狀而釋之閩自是懼不復出

拜利州觀察使

宋史瀛國公紀德祐元年四月癸亥加知思州田景賢知播州楊邦憲並

復州團練使趣兵入衛九月辛未加田景賢福州觀察使楊邦憲利州觀察使遷金吾衛上

將軍安遠軍承宣使牙牌節度使至元十二年宋亡

元世祖遣使者詔邦憲內附

元史世祖紀至元十二年十二月己亥僉書四

川行樞密院事咎順言播州安撫楊邦憲思州安撫田景賢未知順逆乞降詔使之自新並許世紹封爵

從邦憲捧詔三日哭表以播州珍州南平軍三州

之地降

元史世祖紀至元十四年三月庚戌僉事東

事趙孟煥費詔招諭田楊二家亦各遣使納款續宏

簡錄楊賽因不花傳至元十四年邦憲言本族自唐

至宋世守此土將五百年今願納土內附世祖即降

璽書授爲紹慶珍州南平等處沿邊宣撫使元史世

衛親軍都指揮使紹慶珍州南平等處沿邊宣撫使
播州管內安撫使播下邑黃平壤近于荆地荆之戍
卒欲奪而南邦憲發其姦請復歸黃平元史世祖紀至元十五年
十二月庚辰思州安撫使田景賢播州安撫使楊邦
憲請歸宋舊借鎮遠黃平二城仍徵戍卒不允景賢
等請降詔禁戍卒毋擾思播之民從之丙申從播州
安撫使楊邦憲請以鼎山仍隸播州十六年正月改
播州鼎山縣為播川縣二月甲辰命田楊二家諸貴
官子俱充質子入侍六月丁丑朔詔諭王相府及四
川行中書省四道宣慰司撫治播川夔川西南諸蠻
夷官吏軍民各從其俗無失常業十七年三月甲辰
思播州軍侵鎮遠黃平界命李德輝等往視之十二
月巳卯羅氏鬼國土寇為患思播道路不通發兵千
人與洞蠻開道十八年陞宣慰使元史世祖紀至元十八年
親貢方物十九年閩叛詔發諸道兵進討師道播而入邦

憲給饋餉命將卒與之俱乃夷之

元史世祖紀至元十九年二月壬子

詔令亦奚不薛及播思敘三州軍征緬國二十一年三月辛亥敕思播管軍民官自今勿遷四月戊申敕

發思播田楊二家軍二千同征緬甸五月巳卯以思播二州隸順元路宣撫司累贈推忠効

順忠臣銀青榮祿大夫平章政事柱國追封播國公

諡惠敏

元史楊賽因不花傳榮价文邦憲皆仕宋爲播州安撫使至元十二年宋亡世祖詔諭之

邦憲奉版籍內附授龍虎衛上將軍紹慶珍州南平等處沿邊宣慰使播州安撫使卒年四十三贈推忠

効順功臣平章政事追封播國公諡惠敏按家傳失載卒年一子漢英字熙載五

齡而孤二十三年

元史本傳作二十二年

其母貞順夫人田氏

挈之朝京師世祖摩其頂熟視良久諭宰臣曰是兒

真國器也宜以父爵錫之賜名賽因不花授金虎符

龍虎衛上將軍紹慶珍州南平等處沿邊宣慰使播

州軍民安撫使賜金繒弓矢鞍勒遣歸元史本傳楊

名漢英賽因不花賜名也邦憲子生五歲而父卒二

十二年母田氏攜至上京見世祖于大安殿帝呼至

御榻前熟視其眸子撫其頂者久之乃諭宰臣曰楊

氏母子孤寡萬里來庭朕甚憫之遂命襲父職錫金

虎符因賜名賽因不花及陞辭詔中書錫宴賜金幣

絲繒賚其從者有差又世祖紀至元二十三年六月

辛酉封楊邦憲妻田氏為永

安郡夫人領播州安撫司事

二十四年族黨構亂殺

貞順夫人漢英哀經入奏上詔捕賊至益州戮以徇

元史本傳二十五年再入覲時年十二帝見其應對

明敏首肯者三世祖紀至元二十六年十一月丙辰

改播州為播南路二十七年二月

播州安撫使楊漢英進南鹽千

二十七年詔郡縣

上計播之鄰境拒命漢英即括戶口租稅籍進世祖

大悅加播州等處管軍萬戶二十八年漢英入朝奏

罷順元宣慰司升播州安撫司爲宣撫司授漢英軍

民宣撫使

元史本傳復因率臣奏安邊事上益嘉之是年改安撫司爲宣撫司授宣撫使按家

傳載改宣撫在二十八年元史承二十五年稱是年未知孰是史所謂安邊事亦未知所指會羅

甸宣慰使幹羅思誘播下邑黃平諸寨酋詐爲新闢

境土以獻漢英奏復之幹羅思恚不勝誣言舊有雄

威忠勝二軍思播匿弗奏請籍征交州漢英抗言納

土時已隸別籍矣御史臺審覈上之詔寢其事俄拜

漢英侍衛親軍都指揮使

元史世祖紀至元二十九年正月丙辰播州洞蠻因

籍戶懷疑竄匿降詔招集之以行播州軍民安撫使楊漢英爲紹慶珍州南平等處沿邊宣慰使行播州

軍民宣撫使播州等處管軍萬戶仍佩虎符三月命
辦奚不辭與思播州同隸湖廣省庚戌賜賽因不花
賽夷之長五十六人金紋綾絹各七十九匹及弓矢
鞍轡三十年五月癸亥思播等處亡宋涅手軍十
二月乙未遣使督思播二州及鎮遠成宗即位漢英
黃平發宋舊軍八千人從征雲南成宗即位賽因不花兩入見
入朝者三元史本傳云成宗即位賽因不花兩入見
知款是又成宗紀大德元年十二月壬寅朝洞蠻內
附立長官司二命楊漢英領之閏十二月乙卯平代
等蠻未附播州宣撫使大德三年詔錫漢英世守其
楊漢英請以已力討之
土漢英奏改南詔驛道分定雲以東地隸播西隸新
部減郡縣冗員去屯丁糧三之一民大便之
年蠻
部桑柘亂湖廣行省議用兵漢英言賊勢方盛宜招
諭之不聽兵出久無功竟以漢英議始相繼降五年

右丞劉深討南詔道出播漢英輦運軍食無乏六年
閩婦蛇節宋隆濟叛詔合湖廣四川二省兵征之命
漢英以民兵從甫出師卒遇賊漢英力戰大軍繼之
降阿苴拔乍籠賊復合拒竟大敗縛蛇節斬隆濟阿
女而平之以功進資德大夫賜玉帶金鞍弧矢

元史本傳

云大德五年宋隆濟及折節等叛詔湖廣行省平章
劉二拔都指揮使也先忽都魯率兵偕賽因不花討
之六年秋九月師出播境連與賊遇破之前駐蹕泥
賊騎猝至賽因不花奮擊先進大軍繼之賊遂潰乘
勝逐北殺獲不可勝計遂降阿苴下籠望塵送款
者相繼七年正月進屯暮窩賊眾復合又與戰于墨
特川大破之折節懼乞降斬之又擒斬隆濟等西南
夷悉平八年賽因不花復人見進資德大夫按劉二
拔都即劉國傑本傳云呼劉二霸都拔霸驛近也又
劉國傑傳大德五年羅鬼女子蛇節反烏撒烏蒙東

川芒部諸蠻從之皆叛陷貴州詔國傑將諸翼兵合
四川雲南思播兵以討之賊兵勁利且多健馬官軍
戰失利國傑令人持一盾布釘其上俟陣合即奔盾
僞遁賊逐之馬奮不能止遇盾皆倒國傑鼓之賊大
敗旣而復合眾請戰國傑不應數日度其氣衰一鼓
破走之追戰數千里七年春擒斬蛇節宋隆濟阿女
等西南夷悉平按家傳與史記此互有詳略史折節
家傳作蛇節史筆龍家傳作仁龍緣本無正字隨音
呼之故有異其實一也今平越人呼蛇音如設可知
蛇折互異之故矣而續宏簡錄本傳與劉國傑傳又
皆作蛇節與家傳同至始叛討平年月當以史爲正
元史成宗紀大德八年十一月丁未以轉輸軍餉勞
免思播二州及潭衡辰沅等路稅糧一年武宗紀至
人三年正月樞密院臣言湖廣省平西帶蠻阿馬等
連結萬人入寇已遣萬戶移刺四奴仁宗立顧禮益
領軍千人及調思播土兵併力討捕

厚進勳上護軍贈賜金帛

元史仁宗紀至大四年十

官阿馬知府事佩金符皇慶二年二月
月丁亥以華西府隸播州宣撫司
延祐四年黃平

南蠻盧韓叛新部黎魯亦肅劫聚亂詔漢英宣撫之

二賊降置戍而還元史本傳云至大四年加勅上護軍詔許世襲播南盧崩蠻內侵詔

賽因不花暨思州宣慰使田茂忠帥兵討之以疾卒

于軍年四十按漢英卒年四十以世祖至元二十五

年在延祐時家傳為得惟失書卒年耳史以為至大四

年者誤也當在五年而家傳云四年疑史所載再入

觀年十二為年十三之誤續宏簡錄本傳又云八年

橋南盧崩蠻內侵詔率兵討之以疾卒于軍此八年

承大德殊為失考惟卒軍同元史與家傳降戍而還

異未知孰是元史仁宗紀延祐五年十月巳丑橋州

南寧長官洛麼作亂思州守臣換住哥招諭之洛麼

遣人以方物來觀六年四月申書省臣言雲南土官

病故子孫兄弟襲之無則妻承夫職遠方蠻夷頑獷

難制必任土人可以集事今或缺漢英為政急救化

員宜從本俗權職以行制曰可

大治洋宮南北士來歸者眾皆量材用之喜讀濂洛

書爲詩文尙體要著明哲要覽九十卷桃溪內外集

六十四卷賜推誠秉義功臣銀青榮祿大夫平章政

事上柱國追封播國公諡忠宣元史本傳云贈推誠

大夫平章政事柱國追封播國公諡忠宣其妻田氏亦善讀書人以爲難

能無子以弟播州招討安撫使如祖之子嘉貞嗣元按

史但云子嘉貞嗣明統志貴州通志並云嘉貞漢英子嘉貞至治二年來朝英

宗賜名延禮不花累官資德大夫湖廣行省右丞沿

邊宣慰宣撫使明統志嘉貞至治初授播州等處管

討平楊璠總之叛進湖廣行嘉貞卒元史英宗紀至

中書省左丞貴州通志同西罷播州黃平府長官所一徙其民隸黃平泰定帝
紀泰定二年七月丙辰播州蠻黎平蠻等集羣夷爲

寇湖廣行省請兵討之不許詔播州宣撫使楊也里
不花招諭之十月癸巳播州宣慰使黎苗率諸蠻苗僚為
寇三年正月丙午朔播州宣慰使楊燕里不花招諭
蠻酋黎平愛等來降六月癸未播州蠻黎平愛復叛
合謝烏窮為寇宣慰使楊燕禮不花招平愛出降烏
窮不附命湖廣行省討之十一月辛酉播州蠻宋王
保來降四年七月甲辰播州蠻謝烏窮來獻方物九
月甲寅湖廣土官宋王保來獻方物十一月辛卯以
降蠻謝烏窮為蠻夷官文宗紀天歷二年正月丁丑
四川囊加台攻破播州貓兒坵臨宣慰使楊延里不
花開關納之壬午播州楊萬戶引四川賊兵至烏江
峯官軍敗之八番元帥脫出亦破烏江北岸賊兵復
奪關口諸王月魯帖木兒統蒙古漢人答刺罕諸軍
及民丁五萬五千俱至烏江二月丙午湖廣行省調
兵鎮播州癸丑諸王月魯帖木兒等至播州招諭土
官之從囊加台者楊延里不花及其弟等皆來降六
月順元思播州諸驛因兵興馬多羸瘠驛戶貧乏令
有司市馬補之至順元年三月甲寅垂西餅蠻三千
人人松梨山燒沿邊官軍營堡順帝紀至正十二年
六月紹慶宣慰使楊延禮不花遙授湖廣左丞楊伯

顏卜花爲紹慶宣慰使換文資楊城爲沿邊溪洞招討使兼征行萬戶回賜先所拘收牌面按也里不花燕里不花燕禮不花延里不花皆卽延子資德大夫

播州軍民宣撫宣慰都指揮使忠彥嗣忠彥卒子資

德大夫紹慶珍州南平等處沿邊宣慰使播州軍民

安撫使侍衛親軍都指揮使元鼎嗣元鼎卒無子田

氏以如祖季子嘉議大夫湖廣行省叅知政事播州

沿邊溪洞招討使城之子鏗明統志貴州通志並云鏗嘉貞從子按元

未明王珍據蜀播州爲其所有全蜀藝文志載楊洪

武四年明太祖平蜀遣使諭之五年播州宣慰使楊

鏗同知羅琛總管何嬰蠻夷總管鄭珣等相率來歸

貢方物納元所授金牌銀印銅章詔賜鏐衣幣仍置

播州宣慰使司鏐琛皆仍舊職領安撫司二曰草塘

曰黃平長官司六曰真州曰播州曰餘慶曰白泥曰

容山曰重安以嬰等為長官西明會典土官門初廣

土官遇三年朝覲差人進貢一次俱本布政司給文

起送期限本年十二月終到京慶賀限聖節以前謝恩

無常期貢物不等凡土官差人到京鴻臚寺即與引

見並投進封奏本其方物赴禮部驗進嘉靖元年議

准聖節止許各宣慰撫安撫官具方物差人赴京

其餘佐貳官以下及把事頭目護印舍人止許朝覲
年人貢每司量起的當通把三二人齎執方物多者
給與本州咨批少者給與咨批各給關文應付馬匹
就彼變賣銀兩貯庫降香黃蠟菜葉等物要實重五
一五斤為一扛每扛賞闊生絹二疋照扛遞加其不
由本布政司起送或斤重不足差人過多待朝覲
之年擅自起貢禮部不與進收責諭遣回賞賜應付

通行停止二年議准前數項及數限一月俱屬違例止減半給賞若違例多端者不賞七年中

書省奏播州土地既入版圖當收其貢賦歲納糧二千五百石爲軍儲帝以其率先來歸田稅隨所入不必以額已復置播州黃平宣撫司播州江渡蠻黃安作亂貴州衛指揮張岱討平之八年鏗遣其弟錡來貢賜衣幣自是每三歲一入貢十四年遣使齎敕諭鏗比聞爾聽浮言生疑貳今大軍南征多用戰騎宜率兵二萬馬三千爲先鋒庶表爾誠十五年城播州沙溪以官兵一千人土兵二千人戍之改播州宣慰司隸貴州改黃平衛爲千戶所十七年鏗子震卒于

京命有司歸其喪二十年徵鏗入朝貢馬十四帝諭

以守土保身之道賜鈔五百錠二十一年播州宣慰

使司并所屬宣撫司官各遣其子來朝請入太學帝

敕國子監官善訓導之永樂四年免播州荒田租設

重安長官司隸播州宣慰司以張佛保爲長官以佛

保嘗招輯重安蠻民嚮化故也七年宣慰使楊昇明統

志鑑洪武初率其屬張坤趙簡來朝授宣慰使賜敕

獎諭俾其永堅臣節後屢隨大軍討平叛寇卒贈懷

遠將軍子昇襲職治政勤敏邊境綏寧永樂初請開

學校薦士典教州民盡崇習詩書禮義貴州通志同

招諭草塘黃平重安所轄當科葛雍等十二寨蠻人

來歸毛奇齡等十一寨蠻人梗化不服上命昇討之宣

宣

德三年昇賀萬壽節後期禮部議予半賞帝以道遠
勿奪其賜七年草塘所屬穀散等四十一寨蠻作亂
總兵陳懷勦撫之旋定正統十四年宣慰使楊綱老
疾以其子輝代景泰三年輝奏湖貴所轄臻剖五仝
等苗賊糾合草塘江渡諸苗黃龍韋保等殺掠人民
屢撫復叛乞調兵征勦以靖民患帝命總督王來總
兵梁瑄等會同四川巡撫勦之明史平越土司傳正統末鎮遠蠻苗金臺
僞稱順天王與播州苗相結亂遂圍平越新添等衛
半年賊中糧盡官兵進者九千餘人貴州東路
王驥征麓川班師過其地不之顧景泰元年命保定
伯梁瑄佩平蠻將軍印督師進勦大破之平八十餘
寨擒賊首王阿同等
平越諸衛圍乃解
七年調輝兵征銅鼓五開叛苗

賜敕頒賞成化十年以播州賊齎果等屢歲爲患敕
責川貴鎮巡官正統末苗蠻聚眾寇邊土官同知羅
宏奏輝有疾乞以其子愛代帝命愛襲職仍敕愛卽
率兵從總兵官勦賊先是輝奏所屬天壩干地五十
三寨及重安所轄灣溪等寨屢被苗蠻占據乞命湖
貴會兵征之命如輝言部議以愛年幼請仍起輝暫
理軍事又以輝難獨任宜敕都御史張瓚親至播州
督理勵輝等振揚威武以備征調其機宜悉聽瓚裁
處十二年瓚督諸軍及輝攻敗灣溪天壩干地諸苗
凡破山寨十六斬首四百九十六級撫男婦九千八

百餘口事下兵部以苗就撫者多宜量爲處分墳議
設安寧宣撫司竝懷遠宣化二長官司建靖南龍場
二堡命輝董其役輝調兵民五千餘立治所委所屬
黃平諸長官分戡城垣將竣輝因奏各寨苗蠻近頗
知懼但大軍還後難保無虞播州向設操守土兵一
千五百人今撥守懷遠靖南天漂龍場各二百人宣
化百人安寧六百人其家屬宜徙之同居爲固守計
其工之未畢者宜命臣子愛董之而聽臣致仕如故
詔從之時灣溪旣立安寧宣撫爛土諸蠻惡其逼遂
引齎果攻陷天漂靖南城堡圍安寧愛新襲力弗能

支求援于川貴二鎮兵部奏起輝再統兵勦之又敕

川貴兵爲助明史都勻土司傳成化十四年陳蒙燭

掠請于所侵大陳大步等寨設一司隸安寧宣撫而

豐寧長官司楊泰亦奏峰峒陸光翁等聚燭土爲亂

先是宣慰楊輝平天壩干後卽灣溪立安寧宣撫司

燭土諸苗惡其逼已至是果等旣攻陷天漂遂圍豐

寧時輝已致仕子愛承襲力弗支求援于十五年貴

川貴二鎮各奏聞命仍起輝會兵討之

州巡撫陳儼奏苗賊齎果轉橫乞調川湖等官軍五

萬五千剋期會貴州聽儼節制兵部言賊作于四川

而貴州守臣自欲節制諸軍恐有邀功之人主之且

興師五萬以半年計須軍儲十三萬五千石山路險

峻輸運之夫須二十七萬眾况天將暑瘴癘可虞帝

然其奏二十二年愛兄宣撫楊友訐奏愛帝命刑部
侍郎何喬新往勘二十三年喬新奏輝在日溺其庶
子友欲令承襲長官張淵阿順之安撫宋韜謂楊氏
家法立嗣以嫡愛宜立輝不得已立愛又欲割地以
授友謀于淵因以天壩干乃本州懷遠故地爲生苗
所據請兵取之容山長官韓瑄以土民安輯日久不
宜征淵與輝計執瑄杖殺之前巡撫張瓚受輝賂以
其地設安寧宣撫司冒以友任宣撫輝立券以所有
金玉服用莊田召諸子均分之輝沒

云右哀什一巨冊總若干首皆縉紳士大夫作以哀輓昭勇將軍播州宣慰使司宣慰使楊君輝廷彰者

雷音寺碑跋退齋楊侯輓詩後

也有詩焉有歌焉有辭焉有些有誄焉體製雖殊要
皆模倣古詩露蒿里之作用以發舒其感慨悼惜之
情也嗚呼君果何爲得此于諸公哉蓋君實唐贈太
師端之二十五集孫世守播土六百餘年君自弱冠
襲父職累受命征勦諸叛寇兵所至如破竹無或敢
嬰其鋒甚至有聞風歸附兵不血刃而境土以定者
此其于武事也甚勇諸經子史皆博覽之興有所到
形之歌詠得唐人之音響大書行草書皆適勁可愛
此其于文學也甚工早失怙事母夫人恪盡禮意此
其其子職也甚孝處宗族和而有禮撫卑幼慈而有
恩治兵民威而不猛此其待人也甚恕獨居燕處亦
必以禮自防而不肯少涉嬉慢此其持已也甚嚴修
學校延明師育人才而致文風日盛于前此其崇儒
術也甚至輸粟數千石以飽邊戍而待朝廷旌意之
典比入覲詔陪慶成宴于奉天殿賜一品章服及金
幣諸物此其獲上之優待也甚厚年財四十又一卽
抗章求退而替其職於其子此其視功名也甚薄雖
在休致中邊陲有警必詔君督兵討平此其見倚任
於朝廷也甚重若君而人不可謂文武才行之兼資
者歟其享有壽考爲聖天子保障一方是宜今顧年

甫五十有一不及下壽而卒諸公詩以哀悼之不亦
宜乎若有疑之者曰薤露蒿里二詩作于田橫之門
人故吏固其所也今諸公于君未始解后之接而長
篇短章以哀輓之如此不幾于詞華爲虛悼者歟予
曰不然士固有曠百世以相感者矣必皆識其面邇
君之爲人有如前所稱述在人苟有秉彝好德之心
宜皆知所以敬愛之也知所敬愛于其歿不以哀悼
之奚情也哉今諸公之作正可以見君之所以爲君
而諸公爲國惜才之心亦因之可見矣子是之疑不
已過乎客謝而退予懼後之觀是冊者不究作者之
意亦致如客之疑故爲題于詩後謹跋成化十九年
癸卯歲秋九月之吉賜進士及第通議大夫禮部右
侍郎兼修玉牒前翰林院學士豫章謝一夔跋心淵
齋隨筆云楊輝同俞田二氏合墓在雷水堰上 淵
乃與友潛謀刺愛淵弟深亦與謀不果友遂奏愛居
處器用僭擬朝廷又通唐府密書往來私習兵法天
文謀不軌事皆誣帝命斬淵深以愛信讞薄兒友因

公擅殺且謀嫡盜官錢皆有罪愛贖復任友遷保寧

羈管仍敕喬新從宜處治明史喬新本傳景泰五年進士累官左都御史字廷

秀江以西廣昌人安寧宣撫使楊友欲奪嫡弟愛爵誣

愛有異謀喬新往勘與巡撫劉璋共白愛誣友奪官

安置他府播人遂安喬新既家居楊愛遣使厚致贈

且獻良材可為櫬者喬新堅卻之劉璋附在賈俊傳

云字廷信延平人天順初進士歷官中外有聲毛奇

齡蠻司合誌記友愛事較詳云宣德中楊欽正統中

楊炯楊網皆世修職事獨綱子輝傑黠多豪舉天順

初私闖士民黃保等為火者嘗雙妾田氏以其所生

子美居長屢欲奪嫡安撫宋韜長官毛釗執不可曰

楊氏家法立嗣以嫡不以長獨奈何奈何之輝不得已

乃立嫡因名庶曰友名嫡曰愛言相友愛也然而嬖

庶之心終不忘倖客張淵說輝曰主官欲貴孟主而

卿卿與仲主為繼母論勢有所未便即使奪仲以與

孟不過割吾左以誑吾右耳且重貽口實以滋後議

何不別為孟主勉雙貴而朋立是使孟創業而仲傳

世也輝曰為之奈何淵曰天壩諸苗主官部境也山

籌險遠而請立安撫以治其地誰曰不然輝大喜乃立
召容山長官韓瑄重安長官張通告以生苗反狀使
上變瑄爭之謂苗實不反輝怒杖瑄通惶恐叩頭曰
反請從輝署名上變上命都御史張瓚同輝進勅
殺諸苗千人輝乃賂瓚疏友功且曰友謀勇冠軍手
刃七賊時友甫十三歲乃請設安撫碑撫于安寧授
友安撫使而以張淵為長官然友實未嘗之官也既
而爛土諸苗賈果等忿天壩以無辜受戮時時攻安
寧瓚又疏請于凱里寨築城衛之費糧數十萬成化
十九年輝死受修怨于淵淵屢謀殺愛不克二十二
年丹章諸苗寇安寧四川參政謝士元副使翟廷蕙
都指揮楊綱以兵往過播州詣愛家置酒高會翼日
視學適州民賈社土元等坐學宮臨觀愛復攜酒至
訓導楊禮艷然曰視學而觀社提兵而樂酒略等威
而款下屬竊為明公恥之士元等大慚而起時淵同
愛隙謂愛實逼苗越境為亂故款官軍逗遛修私怨
為文報貴州守臣而致書舉人路義使之通賂值安
撫朱韜獲其書以示愛愛乃易其書遣使投義義信
之遂詣貴撫陳傷愛反狀貴撫不聽且曰播非我轄

也義為書復友而愛執之愛遂據義書報川撫將聲
罪發難友大懼淵嘆友上變言愛結苗夷反叛造火
器旗肅金瓜絨斧調總旗等號親軍閩割土民立金
龍門于宅前而開尚獲等獄治令偽閩官鍊熟鐵為
軍刀置織造院收民人趙其一一百餘戶充織匠造龍
鳳蟒袍立商稅局于白田煽起調軍兵三千餘眾假
水西送喪演習武藝設教坊司以偽閩官掌其事鹵
良家龐兆期女勝真福真等一百餘名充女樂教習
雜劇每遇節旦愛衣龍衣白稱國王天主而稱其妻
地主且置後宮奪趙高僧幼女王真為宮妃用巫師
魘魅庶母賈氏禁父妾馬真蔣真等宮中姦使有身
嘗強淫宮婢宋真不從裸之縛于机牽羣狗導之淫
凌辱狼籍而後殺之科派各里人民分上中下三戶
得金銀若干萬兩養老莊田子推若萬石珊瑚樹
若干株珍珠簾若干絳王圭若干身若千匹牛若
千頭嘗夢騎龍登天門上帝謂之曰若千匹牛若
既醒龍成五色因作詩有霹靂一聲震天下南方須
起赤鱗龍成五色因作詩有霹靂一聲震天下南方須
衣衛指揮劉綱會川撫及巡按鞠之保城不實淵坐
妖言律路義削籍友論死贖免發保城不實淵坐
宏

治元年增設重安守禦千戶所命播州歲調土兵一
千助戍守七年以平苗功賜敕勞愛心齋隨筆遵義冉家林側有地
曰官墳背溪水環繞四山秀整乃宣慰楊氏祖塋其
問石墓十餘皆雕鏤精工惜碑記荒沒惟近水竹林
有方石係宣慰楊愛妻田氏墓表撰文者為按察司
僉事古其然書丹者為資中鄧明二人皆進士出身
篆蓋者為儒學訓導滇陽馬奎刊石者為儒士周易
文中稱田氏名睿英少師忠果公十三世女孫父宗
善母高靜默寡言父母謂其必為名臣妻長果歸宣
慰敬夫公以始余氏早卒未獲奉事每歲時薦祀必
涕泣如親承色笑又和妯娌睦鄉隣毫不自形德色
值成化庚子邊隅擾亂敬夫行軍在外田運籌于內
卒克靖變又流民入播田出金數千兩賑之生全者
眾遠近感戴卒于宏治三年年三十一封淑人葬于
宏治十二年九月十三日知為愛妻者文中十四年
又有田氏之男名斌斌愛子則敬夫愛字也十四年
調播州兵五千征貴州賊婦米魯等正德二年陞播

州宣慰使楊斌爲四川按察使仍理宣慰事舊制土官有功賜衣帶或旌賞部眾無列銜方面者斌狡橫不受兩司節制諷安撫羅忠等上其平普安等戰功重賂劉瑾得之踰年巡按御史俞緄言不宜授乃裁之仍原職初友旣編置保寧愛益恣厚歛以賄中貴征取友向所居凱里地者獨苛同知楊才居安寧乘之朘剝尤甚諸苗憤怒凱里民爲友奏復官弗得乃潛入保寧以友還糾眾作亂攻播州焚愛居第及公私廨宇略盡遂殺才多所殘戮愛屢奏于朝帝命鎮巡官調兵征之會友死遂緩師已而鎮巡官言友子

宏能悔過自新且善撫馭蠻眾願聽其約束其前爲
友所焚殺者俱已隨土俗折償且還所侵奪于官乞
授宏冠帶爲土舍協同播州經歷司撫輯諸蠻其家
眾置保寧者仍歸之隸播州管轄并諭斌與宏協和
不得再造釁端報可雖璧司合誌云友卒廷議謂逋友
彰國法而川撫勘奏謂宏父子宏尙存當仍調兵食以
構亂時宏尙幼釋似當開自新之路與以更改况友
所焚殺已經照土例折償及還求幾播州安撫朱淮
所侵于官宜授宏冠帶土舍奏貴州凱口爛土苗婚于凱離草塘諸寨陰相構結
誘山苗爲亂乞賜斌敕令每年巡視邊境會湖廣鎮
巡官撫處部議土官向無領敕出巡者諭斌宜撫綏

土眾輯睦親族以副朝廷優待之意因授致仕宣慰
愛爲昭毅將軍給誥命賜麒麟服時斌又爲其父請
進階及服色禮科駁之以服色等威所繫不可假兵
部以愛舊有勦賊功皆許之斌復爲其子相請入學
并得賜冠帶十二年播州安撫羅忠宋淮等奏斌有
父喪欲援文臣例守制但邊防爲重乞仍令掌印理
事初楊宏旣歸凱里與重安土舍馮綸等有怨宏卒
綸等誘苗蠻攻之更相仇殺侵軼貴州境巡撫鄒文
盛言狀且請移文四川會官撫處踰歲不報文盛乃
遣參議蔡潮入播州督致仕楊斌撫平之因言宜復

安寧宣撫俾宏子弟襲之斌未衰宜仍起任事以制
諸蠻寨潮有撫蠻勞宜量擢兵部議安寧已革不可
復斌子旣代亦不可起土官應襲與否屬四川非黔
所得專盛所請難行而功不可誣十六年賜斌蟒衣
玉帶嘉靖元年賜播州儒學四書集註從宣慰楊相
奏也宏旣死其弟張求襲職不得時盜邊劫白泥司
印信復與相構兵守臣乞改凱里屬貴州以張爲土
知州解釋之兵部議張習父兄之惡幸免于辜敢肆
然執印信以要挾當命川貴守臣按其前後爭產殺
人諸罪寘于理若張悔過輸情還所獲印尙可量授

一官聽調殺賊以自効倘或怙終必誅以為玩法戒

既遂許張襲宣撫而改安寧為凱里隸貴州註云愛

死子斌豪甚舊制士官有功祇賜予衣帶及旌賞部

下人員無陞職加銜者斌以平普安蠻功于正德初

加四川按察使銜賜蟒衣玉帶宏思之仍起讐殺及

宏卒重安土舍馮綸等又以怨宏誘諸苗攻安寧責

撫鄒文盛反命斌討平之而請復安寧安撫令宏子

弟得襲舊職延議不許嘉靖六年宏弟張復以為請

時張盜邊劫得白泥司印信復與斌子相重相讐殺

較前更烈守臣乞改凱里屬貴州以張為土知州以

解釋之事久不決初廷議謂楊張習父兄之惡幸免

于幸輒敢肆然執印以要君且其所爭田莊及椎埋

殺人等罪尚未得決正宜收置于理令其悔過還印

償所奪寨苗諸地而驟議復職未使其後用兵部尚

書胡世寧議謂張黨已成若不因而撫之恐流禍無

已乃復張凱里安撫屬治貴州而相則襲播宣慰如

故然其讐殺仍自若也諺云骨肉讐醢參商播凱明

詩綜播州語楊友與楊愛兄弟相仇兩州為之不寧

土人語云骨肉初楊相之祖父皆以嫡庶相爭梯禍

數世至是相復寵庶子煦嫡子烈母張悍甚與烈盜

兵逐相走客死水西烈求父屍宣慰安萬銓因要挾

水烟天旺故地而後予屍烈陽許之及相喪還烈斬

地不予遂與水西構難又殺其長官王黻時嘉靖二

十三年也烈既代襲遂與黻黨李保治兵相攻垂十

年總督馮岳調總兵石邦憲討平之蠻司合誌云岳

省接壤民苗之衝若四川餘慶之走馬坪播州之三

度關貴州石門之龍泉司各立哨堡于重慶偏橋等

衛委指揮三人督兵防守仍移銅仁參將于石門移

思石守備于龍泉控扼播州令犬牙相制而後設重

慶府通判一人使之駐龍泉以收

糧稅則控馭較便也上然其言

真州苗盧阿項者

亦久稱亂邦憲以兵七千擊敗之有言賊求援于播者邦憲曰吾方調水西兵聲揚烈助逆罪烈暇救人乎已禽阿項父子斬獲四百餘人初嘉靖初議分凱里屬貴州既又以播地多在貴州境并改屬思石兵備及真州盜平地方安靖播人以爲非便川貴守臣異議不決命總督會勘總督奏仍以播歸四川而貴州思石兵備仍兼制播酋平邑諸土司事報可

明會典隆慶

慶二年題准將程番府改入貴州省城名貴陽府其湖廣沅靖平溪等州衛四川西陽播州永寧三土司照舊專屬川湖統轄隆慶五年烈死子應龍請襲命仍聽貴州節制調遣

予職萬厯元年給應龍宣慰使敕書八年賜故宣慰

楊烈祭葬從應龍請也十四年應龍獻大木七十材
美賜飛魚服又復引其祖斌賜蟒例部議以斌有軍
功且出特恩未可爲比帝命以都指揮使銜授應龍
十八年貴州巡撫葉夢熊疏論應龍兇惡諸事舊纂
志魯一冲住仙源洞修真播逆楊應龍修醮于海龍
里以利劍鐔逼令道士手緊握而不傷者爲有道行
乃不殺冲聞而往握之鋒盡捲遂延爲法師尋遁去
又海龍聖驃騎將軍示諭龍巖固嚴禁碑夫龍巖固
者乃播南形勝之地也吾先侯思慮處東陬不可無備
因而修之以爲保障易云王公設險以守其國吾先
侯得之矣今重緝之以爲子孫萬代之基保國之根
本耳然其地險要非得其人則不可使守也予今設
用守固名役總管總領把總提調書吏各理事務守
衛小童守倉戶打掃總領把總提調書吏各理事務
齋生匠作住持人等各役次時刻不可擅離各給
年貌號牌稽考內無出關字樣倘若解取物件或告
假下園赴總管廳乞牒照驗方許放行其運送口糧

幫戶給有年貌號票各帶在身執照進出毋得阻滯
若官差取發物件人役各關視驗條批帖文毋得延
緩但恐親臨本國跟隨一應人役書房聽點題單預
發龍鳳關查照點進出回日具手本封繳原單及往
來工匠人夫但遇進關者龍鳳關把總查密的實向
項人役給帖照身各關驗放到國赴總管廳繳帖上
名應役役滿工完仍赴總管廳告乞水帖出關驗實
放行又到龍鳳關將帖回繳此乃禁地庶有稽查以
防奸細備妄詐僞之徒再無混冒違巡按陳效歷數
者自干後開條款罪究決不輕恕
應龍二十四大罪時方防禦松潘調播州土兵協守
四川巡撫李化龍疏請暫免勘問俾應龍戴罪圖功
由是川貴撫按疏辨在蜀者謂應龍無可勘之罪在
黔者謂蜀有私暱應龍之心于是給事中張希皋等
以事屬重大兩省利害豈漫不相關者乞從公會勘

無執成心

明戶科都給事中楊恂奏疏云楊應龍負固不服執政貪其重餌與之交通如近日

綦江捕獲奸人得所投本兵及提督巡捕私書其餘四緘及黃金五百白金千虎豹皮數十不言所投臣

細詢播人始囁囁言曰求票擲耳夫票擬撫臣事也而使小醜得以利動哉十九年夢熊

主議播州所轄五司改土為流恐屬重慶與化龍意

復相左化龍遂引嫌求斥蓋應龍本雄猜阻兵嗜殺

所轄五司七姓悉叛離蠻司合誌播州領二安撫六長官統七姓為田張袁盧譚

羅異而田張最嬖妄田屠妻張氏并及其母妻叔張

大世為目把時照與所部何恩宋世臣等上變告應龍反夢熊請

發兵勦之蜀中士大夫悉謂蜀三面鄰播屬裔以什

伯數皆其彈壓且兵驍勇數征調有功剪除未為長

策以故蜀撫按竝主撫朝議命勘應龍願赴蜀不赴
黔二十年應龍詣重慶對簿坐法當斬請以二萬金
贖御史張鶴鳴方駁問會倭大入朝鮮徵天下兵應
龍因奏辨且願將五千兵征倭自贖詔釋之兵已啟
行尋報罷巡撫王繼光至嚴提勘結應龍抗不出張
時照等復詣奏闕下繼光用兵之議遂決二十一年
繼光至重慶與總兵劉承嗣等分兵三道進婁山關
屯白石口應龍佯約降而統苗兵據關衝擊承嗣兵
敗殺傷大半會繼光論罷卽撤兵委棄輜重略盡黔
師協勦亦無功時四川新撫譚希忠與貴州鎮撫再

議勦御史薛繼茂主撫應龍上書自白遣其黨攜金入京行間執原奏何恩詣綦江縣二十二年以兵部侍郎邢玠總督貴州二十三年玠至蜀察永寧西陽皆應龍姻媾而黃平白泥久爲仇讐宜剪其枝黨乃檄應龍謂當待以不死會水西宣慰安疆臣請父國亨卹典兵部尙書石星手札示疆臣趣應龍就吏得貴疆臣奉札至播招應龍時七姓恐應龍出得除罪而四方亡命竄匿其間又幸應龍反因爲利驛傳文移輒從中阻玠檄重慶知府 土琦詣綦江趣應龍安穩聽勦應龍使弟光龍至安穩治郵舍儲精甲頭

郊迎致餽牽如禮言應龍縛案魁待罪松坎所不敢
至安穩者恐墮安穩仇民不謂禍也幸請至松坎受
事士琦曰松坎亦曩奏勘地所單騎往應龍果面縛
道旁泣請死罪願執罪人獻罰金得自比安國亨國
亨者曩亦被訐懼罪不出界故應龍引之士琦爲請
于玠許之應龍乃縛獻黃元等十二人案驗抵應龍
斬論贖輸四萬金助採木仍革職以子朝棟代次子
可棟羈府追贖黃元等斬重慶市總督以聞時倭氛
未靖兵部欲緩應龍事東方朝廷亦以應龍向有積
勞可其奏于松坎設同知治焉以士琦爲川東兵備

副使彈治之應龍獲寬益怙終不悛尋可棟死于重

慶益痛恨促喪歸不得

舊川志賊惡不悛劫帑掠民揭擒王之職肆殺將之兇脅

道府索其子拋勒重饒而後遣

且攜銀牌其上曰忠臣孝子復檄完贖大言曰吾

子活銀卽至矣擁兵驅千餘僧招魂去分遣土目置

關據險厚撫諸苗名其健者爲硬手州人稍殷厚者

沒入其貲以養苗苗人咸願爲出死力二十四年應

龍殘餘慶掠大阡都壩焚劫草塘餘慶二司及興隆

都勻各衛又遣其黨圍黃平戮重安長官家勢復大

熾二十五年流劫江津及南川臨合江索其仇袁子

升緹城下磔之時兵備王士琦調征倭應龍益統苗

兵大掠貴州洪頭高坪新村諸屯已又侵湖廣四十
八屯阻塞驛站訶原奏仇民宋世臣羅承恩等挈家
匿偏橋衛襲破之大索城中戮其父母淫其妻女備
極慘酷明史紀事本末應龍襲執宋世臣等于偏橋
西衛大索城中備極慘酷四川巡撫譚希忠請
于合江綦江各置游擊一員合江募兵千二百人扼
岡門綦江募兵二千扼安穩明詩綜粵西諺云兩
廣岑黃思播田楊言宣慰氏族之大也又播州語萬
歷二十七年播酋叛勢甚張十月鄉人譚經思避
兵深巖忽聞石裂有文在石上云 二十七年貴州巡
撫江東之令都司楊國柱部卒三千勦應龍奪三百
落賊佯北誘師殲焉國柱等盡死東之罷以郭子章
代而起李化龍節制川湖貴州諸軍事調東征諸將

劉綎麻貴陳璘董一元南征時應龍乘大兵未集勒
兵犯綦江城中新募兵不滿三千賊兵八萬奄至游
擊張良賢巷戰死綦江陷應龍盡殺城中人投屍蔽
江水爲赤明史紀事本末二十七年貴州巡撫江東
之罷以郭子章代而起李化龍爲兵部侍郎節制
百茶賊倂敗誘師殲焉國柱與經歷潘汝資俱死之
東之罷以郭子章代而起李化龍爲兵部侍郎節制
川湖貴州諸軍事調東征諸將劉綎等南征六月應
龍勒兵犯綦江分屯趕水備兒岡婁國等以偏師一
犯南川一犯江津其子朝棟守沙溪緝麻山防永寧
宣撫與貴州十七日游擊張良賢遇賊舊東溪頗有
斬獲二十一日應龍督苗兵圍綦江城數匝游擊房
嘉龍誤熱火磚反傷城上兵賊乘勢登城嘉龍帥師
巷戰蜀兵爭譟走水上嘉龍殺其妻與良賢是敵死應龍
因劫令縱囚焚掠出綦江庫犒師依倉就食盡取資
財子女去老弱者殺之投屍蔽江而下水爲赤退屯
三溪以綦江之三溪母渡南川之東鄉壩立石爲播

界號宣慰官莊聲江津合江皆播故土總督郭子章
日夜徵調漢土各兵守渝城分戍南川合江瀘州軍
聲漸振賊遷延不進綦江縣志張房二將軍死事記
云游擊房嘉寵之守綦也爲萬歷己亥歲所部上卒
搖擾市民側目近縣竹木估伐爲之一空二月間聞
逆黨張讓妻國來侵綦界率兵追至華城賊已遁去
房乃于楊崗溪斬獲首級十二顆中有誤殺者四月
中播人周撫六來綦販鹽至東溪被仇家捏報駝載
硝磺房卽追擊梟首于市聞者冤之六月初九日商
人水三領播民十二前來投順房以爲細作亦斬于
市楊應龍緣此藉口大發苗兵聲言報仇遂出巢穴
前來犯順所至居民殺掠慘毒邊報日急房重禁市
民搬移違者經兵擒奪仍令城外盡移城內謂賊
莫敢襲城也二十日賊抵至登鋪張游擊挺身前關
約房爲援房佯應之乃于鷄公嘴下楊兵作威助聲
勢張被苗兵圍繞數重振臂一呼苗皆辟易衝出重
圍欲再前鬪顧無援兵居毀而退卽語房曰今日之
策空城爲上母重以綦民罹鋒鏑也房不然其計明
日賊縱兵圍城二將率兵至望城坡憑城約戰房放
火箭藥發自焚賊乘勢殺入眾寡不敵城遂陷男女

被難殺死萬計被擄千餘童稚亦不得免僞目把總
何漢良坐踞縣堂劫路庫藏焚燬倉儲將卒身首支
分士女血肉糜爛屍浮水東下隔江元元聞風逃竄
如驚鴻駭鹿四野凋殘應龍雖還尚畱三寨蟠踞遠
近劫掠民間望王師如時雨中問猶有庇護者不有
魚頭誰發其逆民命固不足惜也如國體何此二十
四年舊志原文蓋當時李榕菴眼見而手書者其舉
動浮躁又復庸愚是生邊釁者稱其死難請優恤列
在張將軍之上乃其時尤有冤抑之守備胡汝寧百
戶蔣懋賞胡汝寧者漢中人以守備陞湖廣都司道
經渝州謁知府張與行張曰現綦江有兵警足下何
不替朝廷出力而他往耶汝寧激于義遂輕騎來綦
將與房張協守土生員張鉞家到之日賊兵已壓虎
矣謁房出語張生曰吾死矣生問故汝寧曰主帥自
用計畫不行苗兵眾且悍不以計迎戰而欲延敵入
境以孤城抗之必無幸矣及臨戰對敵手殺數十人
援兵不至死于亂軍之中骸骨無收無有上其事者
名遂湮沒聞者冤之百戶蔣懋賞練兵守城與賊大
戰自望城坡轉戰至後街又至北門力盡而死無人

一骨終泯泯無開焉當時說者謂房嘉寵率組練三
以防守禁江乃敢于自用不共謀畫竟至挑釁自
危且以危益結九股生苗及黑腳苗等為助屯官壩
人然哉

聲窺蜀已逐焚東坡爛橋楚黔路梗初明史紀事本末
徒據險猖狂覆楊國柱之師益結九股生苗及紅

黑脚等苗負隅弄兵然猶與如往事曲宥未敢鼓行
深入止云爭界結葬并索奸民而總督因援師未集

蜀人畏賊如虎時移文詰責示無遠絕意計以緩
賊賊果具文求撫不復西向總督亦佯為好語縻之

會上聞破禁江追蹙兩省撫臣譚希忠江東之各為
民總騎建兵備使王昭德賜劍懸賞嚴旨進勦十月

命總督李化龍駐重慶調度川貴湖廣各路兵大舉
總兵劉綎兵亦至綏素有名其家丁良馬皆可決

勝然夙與應龍昵人皆疑之于是化龍延入臥內輸
心腹且以忠言激之引其父顯平九絲功為比經大

慟願誓死報効化龍乃騰書于朝遂委綎專制治軍
益有次第十一月應龍屯官壩聲言窺蜀遂焚東坡

爛橋楚黔路梗黃平龍泉所在告急賊復據偏橋出

掠興隆鎮遠總督議置効兵萬餘據要害通楚黔路
黔帥童元鎮擁兵銅仁不前革職立功以李應祥代
命僉都御史江鐸巡撫
偏沅監總陳璘之師
二十八年應龍五道竝出破

龍泉司時總督李化龍已移駐重慶徵兵大集遂以

二月十二日誓師分八路進每路約三萬人官兵三

之上司七之旗鼓甲仗森列苗大驚總兵劉綎破其

前鋒楊朝棟僅以身免賊膽落遂迎克桑木烏江渡

三關奪天都三百落諸固明史紀事本末二十八年春正月楊應龍勒兵數萬

五道竝出攻龍泉司守備楊惟忠擁兵二千以勢不

敵先期托臺謁走思南鸚鵡溪土官安民志率步卒

三百拒守死之吏目劉玉鑾偕妻子竝死可賊副總

兵陳良珖託守偏橋不之援石砭宣撫司馬千乘軍
鄧次賊乘夜掩襲千乘軍堅壁詰旦奮擊連破金筑
青岡嶺虎跳關等七寨酉陽宣撫司再御龍進攻官

勦斬關內上復擒斬三百有奇初賊旣下龍泉方移
兵攻葵川聞敗撤兵通會徵兵大集延寧四鎮河南
山東天津滇浙粵西兵至者踵背相屬各土司亦用
命總督李化龍分兵入路川兵分四路總兵劉綎從
紫江入以參將麻鎮等隸參政張文耀監之總兵馬
孔英從南川人以參將周國柱宣撫冉御龍等隸僉
事徐仲佳監之總兵吳廣從合江入以游擊徐世威
等隸參議劉一相監之副將曹希彬受吳廣節制從
永寧人以參將吳文傑宣撫奢世績等隸參議史旌
賢監之而中軍率標下游兵策應馬兵分三路總兵
童元鎮統土知府隴澄知州岑紹勳等由烏江參將
朱鶴齡受元鎮節制統宣慰安疆巨由沙溪總兵李
應祥統宣慰彭元瑞等由興隆參議張存意按察司
楊寅秋監之湖廣兵偏橋一路分兩翼總兵陳璘統
宣慰彭養正等由龍泉副使胡桂芳參議魏養蒙監之
以偏橋江外爲四牌江內爲七牌五司遺種及九股
惡苗盤據故也其黔撫郭子章駐貴陽楚無支可大
移沅州部署既定大會文武于重慶登壇誓師二月
十二日分道並發每路約三萬人苗見驚曰今真天

兵也化龍諭諸將以抵婁山等關為期且日關外且
戰且受降賊多不可勝誅也關內疾戰勿受降師不
宜老賊詐不可信也先是蜀王壘山忽裂歟謂昔年
平九絲地數動殆乎播前兆云十五日劉縱進兵基
江連戰破三峒素號奇險賊首穆炤等盤據縱力戰
山羊簡臺三峒素號奇險賊首穆炤等盤據縱力戰
克之三月楊朝棟統苗兵數萬分道迎敵鋒甚銳官
兵夾擊縱身自陷陣苗大驚曰劉大刀至矣棟潰圍
走幾為縱獲初綦江諸苗自分層城慘戮罪不赦又
應龍憚縱威名與首挫其鋒屬朝棟悉勁兵閉道相
角曰雨破綦江馳南川盡焚積聚餘無能為也及朝
棟僅以身免賊胆落詭為守禦計諸軍多道並捷南
川則西陽石砦二司先登初八日遂克桑木關烏江
則壩陽永順兵先登十一日遂克烏江關翌日復克
河渡關陳璘及副將陳寅擊四牌賊各披靡遂奪天
都三百落諸國叻史四川土司石砦傳石砦女土司
覃氏與應龍為姻有智計性淫故與應龍通長子千
乘失愛驪次子千驪謂應龍可恃因聘其女為千驪
妻千驪入播同應龍反千乘襲馬氏爵應調與西陽
冉御龍同征應龍能敗千驪伏誅而千乘為宣撫

如故又秦良王傳忠州人家石砮宣撫使馬千乘妻
萬曆二十七年千乘以三千人從征播州良王別統
精卒五百稟糧自隨與副將周國柱扼賊鄧坎明年
正月一日賊乘官軍宴夜襲良王夫婦首擊敗之連
破金筑等七寨已階西陽諸軍直取桑木關大敗賊
眾為南川路戰功第一賊平良王不言功其後千乘
為部民所訟演死襄陽獄良王代領其職良王為人
饒胆智善騎射兼通詞翰儀度嫺雅而馭下嚴峻每
行軍發令戊伍肅然所部號白桿兵為遠近所憚心
齋隨筆楊應龍小妻田雌鳳乃白泥司人氏其女婿
田駟即雌鳳之族駟母覃氏既寡石砮宣撫馬徽取
為妾去兩月即生後雌鳳欲以駟改名馬千駟占徽
子馬千乘石砮地方而不遂馬千乘即秦良王之夫
也田駟旋被偽軍師孫時泰誤射死助應龍惡者吳
尚華稱征東將軍原按征播之役馬秦夫妻功極多
如萬曆二十八年正月初二日賊乘官軍飲宴夜襲
良王因所佩寶劍屢鳴速報信于大營馬千乘自宴
次速歸夫婦領兵邀截鄧坎擒吳尚華乘勝盡破九
股生苗奪金筑七寨逼桑木關取之應數戰功第一
當時若無良王則官軍被襲不知作何究竟乃李于

田平播疏中亮不綴乃一人之功謂之何哉又按千
乘良王領兵奪取楊曉薛寨曰金筑寨青洲紫寨
虎跳關寨明月寨赤寶關寨清水坪封寧關皆在
桑木婁山諸關外爲守者于一夜中盡取之
又按千乘先曾殺僞軍師孫時泰良王擒田駟之妻
楊二公主在賊破綦江之後正月初二夜千乘又擒
吳尙華其勸應龍因宴劫營皆出尙華之計幸良王
警覺未中其計耳又載李化龍平播全書二條一件
軍務事石砭宣撫司申稱奉調土兵三千赴重慶城
西劄營乞念本司兵力不當一面之寄再請調兵三
千隨分一路前驅搗巢由詳批據申不但忠勇過人
亦且機宜結練土司中得一馬千乘足可當勝兵數
萬本部院深所嘉賞仰將該司健兵再整三千聽令
調發此繳一件繳賞辭糧事石砭宣撫司申本司護
印正妻秦氏將兵道賞銀二千兩繳道並請前後土
兵五千三百名支給糧餉外報効兵二百六名不
煩概給由詳批土司兵多有虛名冒餉者秦氏以一
婦人能捐資給兵辭賞報効此其賢加入數等矣仰
巡上東道先動銀六兩打造銀牌一面書女中女
夫四字給之以示旌異待有功之日將賞夫妻並符

于朝另有賊連敗乃乘隙突犯烏江詐稱水西隴澄

會哨誘永順兵斷橋淹死將卒無算明史紀事本末

兵突犯烏江詐稱水西隴澄會哨誘永順兵斷橋淹

死官兵無算參將楊顯守備陳雲龍阮士奇白明達

指揮楊續芝等死之事聞逮總兵童元鎮下于理時

有飛語水西佐賊者總督檄詰水西不自安會賊殺

其頭目澄大眼二十六日賊託田氏修好賄澄澄戮

其使擊斬僞將楊維棟等安疆臣亦執賊二十餘人

以示尋緹破九盤入婁山關關為賊前門萬峯插天

中通一線緹從閒道攀藤毀柵入陷焉四月朔師屯

白石應龍率諸苗決死戰緹親勒騎衝中堅分兩翼

夾擊破之追奔至養馬城明史紀事本末二十九日

為賊前門萬峯插天中通一線官兵閒道攀藤魚貫

毀柵入四月朔屯白石應龍率各苗決死戰陰令楊

珠等抄後山奪關四面合圍都司王芬中流矢死劉
經親勒騎衝堅以游擊張敦吉守備周以德兩翼夾
擊敗之追奔至養馬連破龍爪海雲險固壓海龍固
城與南川永寧路合賊所倚天險謂飛鳥騰猿不能逾者時偏沅師已破
青蛇固安疆臣亦奪落濛關至大水田焚桃溪莊明史
紀事本末時偏沅巡撫都御史江鐸已抵任視師陳
璘帥師急攻以十三日破青蛇固疆臣亦以十六日
奪落濛關至大水田焚桃溪莊明史貴陽土司傳萬
曆二十八年疆臣龔職會播州楊應龍反疆臣以殘
殺安定事爲有司所按科臣有言其逆節漸萌者詔
不問許殺賊圖功疆臣奏稱播警方殷臣心未白上
復優詔報之巡撫郭子章許疆臣以應龍平後還播
所侵水西烏江地六百里以酬功于是疆臣兵從沙
溪入有飛語水西佐賊者總督李化龍檄詰之疆臣
遂執賊二十餘人率所部奪落濛關至大水田焚桃
溪莊應龍伏誅初應龍之祖以內難走水西害死宣
慰萬鎰挾之索水淹天旺地龍還葬其地遂爲水西

所據及播州平分其地爲遵義平越二府分隸蜀黔
以渭河中心爲界總督王象乾代化龍命疆臣歸所
侵播州地于章奏言侵地始于萬鎗而非疆臣安氏
迫取于楊和喪亂之時非擅取于應龍蕩平之日且
臣曾許其裂土今反奪其故地臣無面目以謝疆臣
願罷去象乾疏言疆臣征播殲應龍子維棟不實冒
功還知至佯敗棄陣送藥往來欺君助逆迹已昭然
之彼不爲恩我且示弱疆臣旣無功不與之地正所
以全撫臣之信宜雷撫臣罷臣旣以爲重臣無能與
爾苗噶者之戒于是清疆之議累年不決兵部責
令兩省巡按御史勘報而南北言官交章詆象乾貪
功起釁科臣呂邦耀復劾子章納賄縱奸子章求去
需力象乾執疆臣所遣入京行賄之人與金以聞于
朝然議者多有疆臣尙書蕭大亨遂主巡按李時華
疏謂征播之役水西不惟假道且又助兵解失之土
司得之土司播固輸糧水亦納賦不宜以土地之故
傷字小之仁地宜歸疆臣于是疆臣增官進秩其母
得賜祭水西尾大之患亦于是乎不可制矣永寧土
司傳隣者水西安堯臣也隴氏垂絕堯臣入贅遂

平播州功澄與焉賊見勢急父子相抱哭上固死守

每路投文緩師督檄各路賊詭降即斬使焚書母為

母通緹亦緘其人自明總兵吳廣入巖門關營水牛

塘與賊力戰三日卻之賊詭令婦人于固上拜表痛

哭云田氏且降復詐為應龍仰藥死報廣廣輕信按

兵已覘賊詐益厲兵攻燒二關奪賊樵汲路明史紀

賊詭令婦人于固上拜表痛哭云田氏且降復詐為

應龍仰藥死報廣廣輕信按兵不動已覘知田氏詐

降緩攻而所云應龍死乃川兵攻固以火炮擊死所

謂楊珠也珠驍勇善戰既死賊痛如失左右手廣覺

詐益厲兵協攻燒二八路師大集海龍國遂築長圍

關奪三山絕賊樵汲更番迭攻賊知必死會化龍聞父喪詔以縗纓視師

化龍念賊前固險不能越令馬孔英率勅兵併力攻

其後天苦雨將士馳泥淖中苦戰六月四日天忽霽

縋先士卒克土城應龍益迫散金募死士拒戰無應

者起提刀巡壘見四面火光燭天大兵已登固破土

城入明史紀事本末應龍提刀自巡壘見四面火光

燭天大兵已登固破土詰朝官兵遂登應龍倉皇同愛妾二闔室縊且自焚

吳廣獲其子朝棟急覓應龍屍出焰中明史紀事本末吳廣獲其

子朝棟及妾田雌鳳急覓屍出焰賊平計出師至滅

賊百十有四日八路共斬級二萬餘生獲朝棟等百

餘人化龍露布以聞獻俘闕下剉應龍屍磔朝棟兆

龍等于市

貴州通志十二月庚辰督撫李化龍郭子

樓受之羣臣稱賀命磔楊朝棟等獻于闕下丙寅上御

九世八百餘年至應龍而亡三十一年播州餘逆吳

洪盧文秀等叛總兵李應祥等討平之

舊川志吳洪

楊應龍用事長官洪見勢敗遂避貴州平定後復業

與其黨盧文政劉堯等見改土設流法度嚴密不得

自逞遂起異心借新民占產為名糾合沙溪苗彝議

將應龍親弟從龍之子楊三老立為宣慰通書偽檄

諭彝漢頭目人等各將舊管兵士器械整點齊備准

于沙溪舉事又刻信票上寫宣慰司驃騎將軍楊署

司總理吳盧分發各處招兵洪與文政偽稱總統譚

里保偽稱中軍盧里受楊邦俊劉堯羅志張漢臣王

金義等偽稱千總將以十一月初九日作變會遵義

生員彭廷詔舊民彭廷受等先期出首兵備副使傅

光宅知府蔡鳳梧會同總兵李應祥分播地為二屬

督官兵次第擒斬之時萬應三十年

蜀者曰遵義府屬黔爲平越府

正文唐至元取朱濂潛溪集楊氏家傳

明取明史本傳他見可補正者作注考辨之按亦附注中

播州宣慰同知羅氏威遠衛指揮使

羅榮字政卿太原人唐大厯中夜郎叛命榮帥師南

征勦撫竝行蠻方永靖朝廷遂卽其地分封命世侯

播土編戶立差釐然畫一封六州都督沿邊招討使

太子太保榮祿大夫

陳志

榮居播建堂曰忠愛自爲敘

曰余本太原人也胡爲而播人也哉播州古夜郎地

也自生民以來長山深箐彝種叢居儵叛儵臣時征

時討秦皇之法莫格漢帝之教難繩蔡經略三戰而

無功何司馬九爭而敗績信哉西蜀之巨寇誠哉累
朝之眼丁余初奉命麻陽分符巴土屢專征討數建
奇勲天子命我征彼鬼方仗劍一呼爰整師旅蒐桓
赴之猛才集哲謀之善士風聲響應如雲如雨倣方
叔之南征倣渤海之北伐鑿山開道勦撫竝行如趙
營平之屯湟中寇恂之治長社渠魁十八惡顯就梟
擒爪牙八萬人翕來歸化從前椎魯之域今變文物
之區闢土開疆之業亦庶乎其盛矣繇是厯鎮七載
長官安撫基置星羅編戶立差釐然畫一嗟乎費十
年汗馬之勞開千載難平之寇功成身苦臣志惟疎

表請還鄉願終骸骨天子曰夜郎之類累代荆榛
地開疆功力卓顯俾爾世侯斯土以酬爾勳仍賜
鐵券一道子孫世守斯時也功著旂常祿延世裔荷
天之休亦孔之碩矣雖然創業固難守成亦不易也
非世德世功能思世孝難守有道之長是以君子
乎善繼述也余今年七十有六來鎮茲土二十有
年後之帶礪山河與國同其休戚者皆自余今日
嗚呼亦可以覽之而興忠孝之思矣唐貞元十四
正月望日明進士何纓羅秉信碑記云榮因李唐
播夷獠時出爲中國患榮以都督叅事
唐之威靈以靖其地沒于官子孫居于播瀘之刺
柳公玘敘其首詳矣按柳玘此序今無考秉信碑

六 示 護 蜀 志 云 大 厯 間 政 卿 公 靖 播 亂 卒 于 官 葬 南 十 里 許 九 平 之 原 俗 呼 總 戎 之 墓 今 尚 存

二子仁勇官次仁智仁智生敬德敬禮敬義敬德

司馬羅氏續女生諫諫生太汪族譜太汪少而孤

出依瀘州叔祖仁勇家避往上命蔡宋康高四經

討之弭乾符間命總戎楊公端討之道由瀘敘大

汪詣營策遂克平之以功居最授不次之官復居

于播將軍楊端為按羅氏譜太汪官明威三子瑁璿

瑁璿授宣威將軍生曜曜生禎祥禎生良震良

授播州大首領生仕興仕隆仕起仕興字仲誠官至

秉義郎生璿璿琪琪生傑從娶謝氏授郎加授

武功大夫卒年五十九子祿正祿鐘祿厚羅氏譜祿厚

節義施惠俗尚淳然秉信碑記撫楊氏孤惟聰有碑銘子

二顯忠顯信顯信生晟授武經郎生允昌允安允昌

授承信郎生淳授成忠郎淳生信泰成信遷崇義郎

生君旺羅氏譜以詩禮自衛秉信碑記授武功大夫生魁授

虎威將軍左武大夫總管湖北江淮四川等處諸軍

馬事生季和季明季賢季和授武功大夫閣門宣贊

舍人同知播州沿邊安撫司事兼黃平知府生烈之

演之交之震之授武德將軍兼黃平軍民元帥府羅氏譜

威德並著猫狔順服名譽翕然秉信碑記生勳雲毅秉按

信碑記云羅秉信字本初唐太保榮三十世孫榮二

十五傳至毅居州王魯之陽毅生珪珪生鉉鉉生

宗祐宗敏宗敏生純純生秉明秉成秉信純者少而

穎悟曾游燕薊之地而有光于前人也秉信純季子

娶宋氏有淑行專以祖宗昭穆冠婚喪祭名節印璽

之禮或有失必告之宗長明威武略二公正之又

置近田若干畝穆雲生瑞功季子瑞居淇至明授瑞

以備印璽春省穆雲生瑞功季子瑞居淇至明授瑞

後裔裕璋琛羅氏琛在元為播州宣慰使同知洪武

都岡職璋琛羅氏琛在元為播州宣慰使同知洪武

四年太祖平蜀遣使招諭五年與宣慰使楊鏗等相

率來歸貢方物納元所授牌印詔仍置播州宣慰使

司琛仍同知明史琛自敘曰余本唐宋舊臣世守播郡

六百年于茲邇來大元失道天厭惡德乾坤泰寧之

象轉于有道之主如我洪武皇帝起自布衣不階尺

土聰明神聖天與人歸一著戎衣而四海丕定斯時
也海晏河清以預其瑞景星慶雲以先其兆意中國
其有聖人焉日惟保境安民以待恩旨奈何南北異
域梗化猶多明珍僭號于西蜀普安割據于滇黔區
區一州之地懸于虎狼之口勢若倒懸危似朝露浩
然奮臂匹馬單騎由開道以入金陵負版籍以面天
子洪武皇帝敕曰朕君天下凡四方慕義之士皆待
之以禮授之以官爾羅琛播州宣慰同知聞我聲教
稱臣入貢仍加爾奉議大夫職銜世守播土

按陳志琛太保

榮二十六世孫世守播邵元末明氏僭號于蜀普安割據于滇明洪武創興琛開道入金陵負版籍以獻

朝廷加其功勲仍同知播州宣慰使司加中憲大夫世守播土子孫至今科第不乏考家譜云加奉議大夫與自敘合陳此洪武三年事也按明史琛等歸附志作中憲誤

誤四年內王師直上奉命征討南征交趾北伐明珍

襲指揮使于滇按羅氏譜雲子瑞後指揮同知于黔

功績日增受祿愈廣豈非君得臣臣亦得君之奇遭

也哉余雖無似或亦無愧于承先啟後者後之守成

之子既受茅土之封當思忠孝之報而君恩祖德佩

服無遺亦庶乎保國保家之一助也四川舊志琛卒葬

穆家林七子鏞鏞鐸鈞鉉欽鑑鈞生宗信宗義宗義

生瓚璿鼎鈞宗義瓚並襲播州宣慰使司同知按碑

記陳次子端授黃平武略將軍七子欽仍授播州同知與碑異

生昱昱生縉並授明威將軍縉生寬宸宏授忠順

大夫生脊睿睿生黼黻睿黻竝授明威將軍黻生

爽望爽襲播州宣慰使司同知明威將軍生其賓其

賢其賓襲播州宣慰同知平播改設威遠衛以為指

揮使按李化龍平播善後事宜疏有宣慰司同知羅氏世有官號與播並建者羅氏與江外五司具

疏改流挑怨速禍至有今日之事海內震動流血干里則諸司者罪之魁也故說者謂諸司宜以起釁絕

之第王道如天罰宜從輕賞宜從重合將羅氏為新府土知事又按明史職官志衛指揮使一人同知二

人羅氏譜云同知者生十子時豐時和時順時旺時

當是指揮使同知興時春時雍時泰時敘時吉分其莊宅為十曰十衛

今其地猶此稱時豐子天寵並襲威遠衛指揮使天寵生萬英字人龍以應襲引見卒于京時順孫萬彥襲職威遠衛指揮使終明之世至

國朝定鼎奉裁土官子士柏士標士梅士柟士柏康熙間

以乙科爲良吏

羅氏譜柏人物有傳

羅氏自唐迄明分據播州

校楊氏先後多閱百餘年

心齋隨筆

播州長官司王氏

播州長官司附郭元爲播州軍民都鎮撫司隸播州

宣撫司明洪武九年改爲長官司

明統志

貴州通志云

王震孫播州人宋端平初元兵犯蜀震孫率眾禦蜀

口解難息民事間授從義郎總重慶路兵馬鈐轄明

志王夢麟譜序云同太原嫡系入播者有一祖震孫

總重慶路兵馬提轄與余玠犄角保障川東當卽播

州長官王氏祖明史土司傳嘉靖二十三年楊烈與

水西構難並殺其長官王黻李化龍疏播州長官司

王積仁以附播被擒獻俘與楊氏俱滅餘無考敵或作黻

播州長官司何氏

何大本者掛大將軍印奉命征蠻終於播後襲宣慰

司總管貴州通志採訪冊何中立字大本臨江新

功終于播墓在府治東四十里清乘橋上流五里何

家寨按通志不言大本時代恐傳聞未確姑附此

明洪武五年播州總管何嬰等相率歸朝貢方物改
總管爲長官司以嬰等爲長官司長官明史萬厯庚子
何恩憤楊應龍肆虐棄職率七姓舊人宋世臣等赴
闕上書請討應龍命川黔兩省會勘黔議勦川議撫
應龍因以黃白金行賄至綦江恩遮獲以充軍餉
督帥李化龍以爲中軍提調又命其弟慙爲劉綎鄉
導斬箐直入師逼海龍固播平恩兄弟與有功焉州志

通志

播州千戶長官宋氏

唐乾符間有真定宋宣爲節度使豐城侯副元帥征

播夷有功畱守其地洪武四年其裔道純同宣慰楊
鏗納土後授千戶長官管轄沙溪等里十七年七月
勅曰自古帝王治天下遠人慕義則爵賞以榮之其
頑慢不率則兵刑以殄之所以勸善懲惡遐邇咸安
也爾宋道純世守蠻夷當朕統一之初克贊宣慰楊
鏗撫我聲教已有年矣爾道純應授播州承值千戶
指揮長官之職惟誠可以事上惟善可以宣化惟仁
可以撫眾惟信可以守土往慎乃職以欽朕意嘉靖
二年宋建襲隆慶三年楊應龍奪宋氏田莊害宋恩
等十七命宋宗富赴京奏討賊萬厯間五司七姓訐

奏應龍宋亦與焉事載平播全書

採宋氏廟碑及宋如龍宋雄才二碑

真州長官鄭氏

真州長官司元爲珍州思寧等處長官司隸播州宣

撫司至正末改珍爲真明洪武十七年改爲真州長

官司在宣慰使司東二百里

明統志

鄭氏其先出於唐

宰相畋畋長子開成廕邊鎮四子開龍官淮南節度

使娶朱溫女入播者開龍未詳其事宋珍州人有昌

孫者其裔也

隨筆

嘉熙間元兵犯蜀剽掠珍州昌孫

率民兵禦之事聞授本州總制

明統志陳志川費兩通志同

至元

世爲珍州蠻夷總管明洪武五年蠻夷總管鄭珣與

宣慰楊鏗等相率來歸朝貢方物納元所授牌印章

勅詔改總管爲長官司珣卽爲長官司長官隨筆從

征南將軍傅友德破僞夏擒其將江中立入覲賜印

綬

陳志川貴
兩通志同

三十一年從仁襲永樂八年創襲宣德

八年永忠襲正統七年璽襲從征有功成化四年旭

襲正德三年鋆襲嘉靖十年廷珪襲從征綦江南川

二縣盜有功十四年文襲從征箐子坪苗賊屢調征

敘州夷首平白蓮教匪有功賞萬厯二年紹爵襲十

四年葵襲從征馬湖叛寇有功二十八年征播率先

歸附以千人從軍爲鄉導播平改流仍以土官爲州

同知葵授其職後未詳

國朝裁革

正安志

真州副長官駱氏

宋史徽宗紀大觀元年涪州夷駱世華駱文貴內附二年六月乙酉以涪夷地爲珍州地理志珍州下大觀二年大駱解上下族帥獻其地復建爲珍州諸蠻傳高州蠻下亦云大觀二年有駱解上下族納土復以珍州名是真州之駱出世華文貴無疑明統志云世華珍州人與文貴等以地內附授爲奉訓大夫內殿崇班使忠國愛民久而弗替元史地理志播州軍

民安撫所屬但有平溪上塘羅駱家等處未必卽珍
州之駱明史播州傳馬孔英入真州用土官鄭葵駱
麟爲鄉導鄭爲長官故知駱爲副長官李化龍平播
善後疏真州當進兵之初正副長官各以千人從軍
合將真州長官卽爲該州土同知副長官卽爲土判
官是改流以後麟卽爲土判官其前後皆未詳孫志
田賦載真安土同知土通判各有折俸田餘未之及
心齋隨筆云真安土通判駱姓與同知鄭姓至

國初皆革去

附冉氏

唐時有冉安昌者爲招慰使以婺川當牂柯要路請置郡以撫之其後思夷等州土地之闕夷民之附自斯舉始宋有冉桂森從父守忠征南獠平諸洞淳熙四年授爲珍州軍民宣慰使詔子孫襲撫茲土子教源終宋世教源生仁鑑仁鑑生廷秀襲爲元珍州官廷秀子珣明洪武初爲真州正長官司子伯淵襲一年奏請讓官於族兄伯剛朝廷嘉其義授淵爲義官以剛襲長官時真州未立學校淵遣使至夔延師興教萬厯十八年設學淵之力也後淵孫似桂以崇禎拔貢爲貴定知縣萬厯二十八年平播以長官司地

設真安州改長官爲土州同知伯剛子晟襲

袁治土官記

按冉氏族譜明萬厯二十七年楊應龍肆逆督師李化龍八路進兵冉晟率先歸附與副長官等各率千人從軍今考平播事蹟總兵馬孔英從南川入及孔英至珍州用土官鄭葵駱麟爲鄉導不及冉晟李化龍平播善後疏亦未著何人省志廢土司條下又失載遵義所屬書以俟考

正安志

按真州長官之爲鄭氏副長官爲駱氏以明史所見定之更無可疑而正安志載冉氏事亦言長官必有誤考明史職官志長官司長官副長官之外

尚有長官司吏目一人冉氏其吏目歟

黃平安撫司羅氏

黃平安撫司宋黃平府元因之在宣慰司東南四百

里

方輿紀要播州傳嘉靖間有安撫羅忠

明史

重安長官司張氏

重安長官司在宣慰使司東南四百里宋元黃平府

地明洪武八年於此置長官司

明統志

永樂四年以張

佛保爲重安江長官以佛保嘗招輯重安蠻民向化

故也後楊輝溺庶子友欲令承襲長官張淵阿順之

明史

按貴州通志云佛保授重安司上吏目誤也當云保授長官萬厯間平播改襲土吏目淵蠻司合誌作通播州傳又有重安土舍馬綸

餘慶長官司毛氏

餘慶長官司在宣慰司南百六十里

方輿紀要

唐時毛巴

以功授餘慶土知州厯宋元至明洪武二年改爲長官司萬厯二十九年改授餘慶縣土縣丞

貴州通志

按餘慶知州之名非唐所有通志殊失考蠻司合誌宣德中有長官毛釗

白泥長官司楊氏

白泥長官司在宣慰使司東南三百里元爲白泥等處長官司隸播州宣撫司至正末改爲白泥州明洪武十七年復改爲長官司明統志元時楊正寶以功授白泥司副長官明洪武十二年淮襲前職萬曆二十八年平播後設餘慶縣白泥司授本縣主簿貴州通志明史石邦憲傳有長官楊贊

容山長官司韓氏

容山長官司在宣慰使司東二百二十里元爲容山長官司明因之明統志貴州通志云播人韓志聰洪武間征舊定有功授長官世襲播州傳有容山長官韓

瑄

草塘安撫司宋氏

草塘安撫司在宣慰使司東一百一十里元爲舊州

草塘等處安撫司隸播州宣撫司明洪武十七年改

爲草塘安撫司

明統志

宋邦佐唐節度使都雲總管景

陽之後元新添葛蠻安撫司都勻土知府兼平越都

指麾使朝美子明洪武十七年從征黃平偏橋興隆

重安乾坪等處有功授草塘安撫司江蔡羅陸四姓

酋長以土千總職充當游兵邦佐傳思義顯威忠成

景春四世景春子韶並襲安撫使次子堅襲安撫司

副使韜生淮生廷文廷文生鸞襲安撫使次鸞次
鸞襲副使堅生洗洗生廷瀕廷瀕生鸞累官副使萬
曆十七年鸞子世臣與何承恩張時炤詣川湖告楊
應龍罪惡二十六年冬應龍同弟兆龍統苗兵大劫
偏橋黃平重安草塘紅頭飛練乾溪等處鸞及何承
恩殉節偏橋衛後贈都司左參軍蔭其子世臣移葬
草塘之新土鸞戰死紅頭堡鸞戰死乾溪堡各有墓
在其處後蔭鸞子世榮鸞衛草塘地方僅以身免平
播設甕安縣改襲草塘司土縣丞

心齋隨筆
引宋氏譜

甕水長官司猶氏

又一司甕水原無印信亦稱長官

李化龍疏

甕水長官猶

氏其先出於周聃季食采於沈以國爲氏秦漢後子

孫居閩去水爲尤

按尤取尤之似

後有居陝者曰崇義仕唐

爲都總管乾符二年詔以宣慰使征滇蜀苗夷崇義

生朝觀朝元朝鳳朝龍朝伯朝觀襲宣慰使撫播居

蜀廣明元年從征黃巢陣沒贈播甕萬戶世襲觀生

鉉鉉生如椿宋乾德元年從征馬湖賊死焉椿生泰

泰生時葉時葉生堂堂生道明熙寧五年以鄉貢士

中進士乙科殿試神宗賜姓易尤爲猶詔仍以宣慰

使奉職道明生世德靖康二年調征銅江路苗戰死

子廷輝廷輝生智智生鳳翔鳳翔生旻元至正元年
承襲旻生甘霖甘霖生嵩嵩生正言正言生宏宏生
宗漢宗漢生仕源明洪武十五年奉調征雲貴蠻夷
護衛鎮遠偏橋黃平興隆功最著十七年七月陛見
賜敕印授承直郎播州宣慰使司覲水蠻夷長官李按
疏云無印此仕源生恭正統十三年苗叛圍平溪鎮
遠奉調應援多所殺獲尋中流矢死恭生秉政秉政
生爵爵生紹廉紹廉生鶴萬厯二十八年平播以其
地及草塘安撫並設甕安一縣屬平越府猶氏與宋
氏並改土縣丞世襲至今

國朝康熙十九年吳逆僞將馬寶踞遵義調鶴孫登第督

鄉勇守遵義沿江要隘亦有勞心齋隨筆引猶西樵費水世譜

安寧宣撫司

懷遠長官司

宣化長官司

按並詳播州傳貴州通志云巖門長官明成化六

年何清以征苗有功授凱里安撫司左副長官

威遠衛指揮諸貳屬

李化龍疏云有投降夷目原非長官本無冠帶但賞

格曾坐名開諭輒爾先事歸誠亦宜少示眷酹以明

恩信如上赤水里頭目袁年父遭酷禍投降最早宜授以所鎮撫職銜下赤水里頭目袁鏊仁懷里頭目王繼先安羅二村頭目羅國明羅國顯安鑾以上五名念其返誠歸正量授冠帶總旗

袁鑾仁懷縣人官游擊襲威遠衛指揮僉事宋有袁世明豫章人官總制理宗時播州之唐朝坝古磁仁懷諸蠻夷出沒爲邊民患世明方視兵江淮魏了翁薦於朝令領兵入蜀正月師至五月奏凱畱世明鎮其土鑾卽其裔也天啟二年奢寅叛陷蜀州縣鑾克復重慶合江仁懷縣復與賊相拒于仁懷之竹瓦寨

血戰三日夜兵盡被禽

貴州通志

寅說之降大罵不絕口

遂支解之

採冊

事聞命于其戰地立忠勇祠祀之蔭其

子蕙芳參將仍世襲指揮僉事後又命與陳王謨同

祀府城忠烈廟

貴州通志
三字依採冊增

蕙芳仁懷縣生員

蔭襲後痛父之死自請為前鋒直搗奢氏巢掘墳鞭

尸以雪憤繼以兵復遵義援黔救滇其功為多

採冊

袁鏊鑒之兄萬厯間討播鏊獻地投誠率家屬從征

戰水牛塘破海龍壘與有勞焉

採冊

天啟間為分防隘

渡領兵遊擊

高巖山碑

官至副總兵

袁勳為威遠衛守備

高巖山碑

唐乾符二年有安朝何者從征南詔有功世爲懷彝
長官厯宋元明世有今仁懷縣地後又改爲懷德長
官司萬厯二十八年征播長官安鑾投誠爲鄉導地
方賴以不擾播平改威遠衛長官當有千崇禎十二
年有長官安在嵩時遵義民郭士奇吳尙才倚
水西降將趙國勝爲虐官捕繫士奇獄其黨聚眾劫
士奇走知縣王佐聖遇害知府常三錫率鄉勇擊不
克在嵩助擒之十三年水西復叛防禦南關十六年
赴援永寧十七年援川北俱有功採訪冊
按懷德長官吏於播州不書仁懷安氏在明爲夷

目非長官李疏亦甚燎而孫志仁懷縣建置云嘉隆間領以長官隸播州豈當時曾增設長官而旋廢歟明史烏蒙等軍民府土官傳嘉靖七年有懷德長官阿濟望隴勝得一職以存隴後當別一懷德也又按心齋隨筆載唐時入播七姓楊端太子少師羅榮後軍鎮武總戎鄭畋之子開龍皆已見一曰安增將軍廣平清河人疑卽此安氏之祖又令狐滈太原人中軍左護衛將軍成展交城人中軍右護衛將軍楊威清河人前軍副元戎三人之後當亦世爲土官今無考矣桐梓縣令狐成姓最

蕃卽其裔採冊唐僖宗乾符三年南詔陷播巢賊
並起帝奔蜀都成展勅封中軍右護衛將軍總領
鎮戎侯平播奏凱旋師其後裔成昌在元時勅封
贊平播參軍追封奉議大夫賜劄安居子成俊襲
職籍管提調重慶播州等處地方太傅宰三世成
嗣宗襲職管軍陞授同知都勻軍民府司馬大夫
又授雲騎尉陞奉議大夫其墓俱在澗坝村子孫
世居其官稱不可曉

又按元史地理志八番順元蠻夷官後有管番民
總管其屬諸等處注云各設蠻夷軍民長官播州

軍民安撫司所屬當亦然史載府一等處十九不稱等處者十二大率皆有土官今其地且半不可考矣曰黃平府卽明黃平安撫在今黃平舊州曰平溪上塘羅駱家等處今思州府玉屏縣卽明平溪衛似之而史于管番民總管下載有平溪等處則屬彼爲是曰水車等處未詳曰石粉羅家永安等處遵義縣北六十里舊爲永安驛縣西北三十里又有羅家河是其地曰六洞柔遠等處史于管番民總管下亦有此與上下都雲並列當一地二屬明統志三江一在容山長官司東五里源出貴

州新添衛都勻六洞則今都勻西南境之廢平州
六洞長官地與貴定縣界者是史于四川行省懷
德府所領有柔遠州與西陽州並列未必然曰錫
樂平等處今湄潭縣東四十里有錫洛關關下有
錫洛坪是也曰白泥等處卽明之白泥長官司今
餘慶縣地曰南平綦江等處卽今四川之綦江南
川兩縣改設自明初矣曰珍州思寧等處卽明真
州長官司今正安州州尙有思寧里也曰水烟等
處遵義縣西六十里之鵬溪塘西五里有宋氏諸
碑謂卽在彼曰漆洞涪洞等處桐梓縣郭外有漆

溪有方家洞水暗達涪州卽其地曰洞天觀等處
未詳曰葛浪洞等處今黃平州北二十里有葛浪
洞明統志所謂白泥江源出黃平葛浪洞者也曰
寨垣埡黎焦溪等處明統志小烏江在餘慶司南
六十五里源出椒溪疑卽其地曰小姑單張明史
都勻土司傳萬厯六年天漂請內附往問狀而阻
于者亞乃遠從丹彰間道通天漂通志載都勻縣
城西三里有小孤山則地當在都勻曰倒柞等處
遵義縣北三十里有倒坐巖恐未必然曰烏江等處
遵義縣城南百里明置烏江驛者也曰舊州草塘

等處卽明草塘安撫司今甕安縣地曰恭溪查洞
史于管番民總管下又有恭焦溪等處未詳曰水
固等處未詳曰平伐月石等處當在今貴定縣平
越州之間史于管番民總管下有平月卽平越今貴
安撫司下有平伐等處通志以平月卽平越今貴
定縣尙有大小平伐司或當時統轄不常史未之
詳也曰下坝曰寨章曰橫坡曰平地寨曰寨勞曰
寨勇並未詳曰上塘明統志兩垓江在黃平安撫
司西南十五里其源一出于上塘疑卽其地曰寨
坦曰岑奔曰平莫並未詳曰林種密秀方輿紀要

載都勻樂平長官舊爲林猪寨疑卽此曰沿河祐
溪等處方輿紀要思南府北二百十里有沿河祐
溪長官司今思南仍有此司有正副長官張冉二
氏皆自元承襲史于思州軍民安撫司下亦有沿
河又有祐溪疑一地也又考元史地理志所不載
者尙有南寧長官洛麼屬播州見成宗紀元湖廣
行省有南寧路近左右江播屬未必及此泰定紀
有蠻酋黎平愛又有蠻夷官謝烏窮土官宋王保
在前所載諸氏之外餘不可知矣